



09102

碑傳集

第四冊

明臣宰輔

國初部院大臣



卷七
之九

碑傳集卷七目錄

明臣宰輔

光祿大夫太子太保內翰林國史院大學士贈少保兼太子太保文康

宋公權神道碑銘

邵長蘅代陽晉菴先生

又太子太保國史院大學士贈少保諡文康宋公墓誌銘

徐作肅

又宋文康公權傳

顧棟高

內祕書院大學士成公克鞏傳

大名府志

少保大學士王文通公永吉神道碑銘

吳偉業

附錄涇河間議

王永吉

光祿大夫少師兼太子太師保和殿大學士戶部尚書曲沃文清衛公

周祚神道碑

徐元文

內祕書院大學士吏部尚書諡文定孫公廷銓傳

王士禛

保和殿大學士諡文端杜公立德墓誌銘

王照

又誥授光祿大夫太子太傅加太子太師禮部尚書保和殿大學士諡

文端杜公墓誌銘


張玉書

又太子太師保和殿大學士杜文端公墓誌銘

惠周揚

又宮師太學士諡文端杜公敬修先生傳

趙士麟



明臣宰輔

光祿大夫太子太保內翰林國史院大學士贈少保兼太子太保文康

宋公權神道碑銘

代揚卷先生

明崇禎十七年三月流賊李自成擁眾號百萬既劔太原培潼關剽大
同昌平長驅陷京師遣賊將略地四出商邱宋公時以遵化監軍擢巡
撫甫三日賊驟至公知勢不措夜開道走入白羊峪圖後舉會故總兵
唐鉦亦道亡遇之邀與俱部曲稍稍集有五十騎公灑泣誓眾諭以舉
兵意斬一卒異議者以徇勒兵襲太平斬賊將黃錠遣守備某從一騎
馳入喜峰謁賊將謬為白事者突前擊斬將左右出不意皆誓伏因撫
定之囊其頭還報松棚三屯相繼下兩日有卒三千突入遵化擒偽官
十人得偽印七當此時

王師已入關自成迎戰關門敗奔還聞公舉兵屠其將恚甚將致毒於

遵化公遣唐鉦乞援

本朝而伏千人於城外約曰賊至而發第如吾令詰旦賊數千騎薄城

碑傳七

伏卒如公戒易兜鑿旛幟噪而出遠賊大呼曰北兵十萬至矣賊駭

欲走城中出三百騎蹴之遂大敗遵化獲全未幾

王師入都賊遁公集將士諭曰我封疆臣國亡無所屬復故主讐者卽

吾主也盡誅偽官籍所復四路二十一州縣上於朝曰主讐復臣事畢

矣具疏乞歸田

詔不聽公歸巡撫如故公復抗疏以三事請其一首議崇禎廟號疏略

曰崇禎帝十七年宵衣旰食圖致治安聲色玩好一無所嗜不幸有君

無臣釀成大亂臣每清夜撫膺死有餘辜幸逢

聖主殲賊復讐祭葬以禮血氣之倫莫不感泣伏奠

敕定廟號以垂萬世仁至義盡此臣所為報故主以報

陛下者其二請除苛賦舉遺逸皆嘉納之是歲卽順治改元初年也公

既受事疏請定三年考成令又請按兵受田以祛屯弊又有陳六事論

圉地諸疏多見施行流寇餘孽猶蔓延三輔公在鎮二年前後擊降解

散其黨數萬人召拜內翰林國史院大學士值

國家初造公處滿漢間持大體不激不隨以濟國事上下倚之丁亥己
丑兩主會試文體為一正遭生母丁太夫人艱請奔喪不許

詔給假歸葬入

朝晉太子太保等致仕歸公在相位凡六年歸則自號歸德老農日夜與故人飲極歡或諫宜稍節笑曰曹參為相國酣飲吾忝相國亦酣飲吾視參竟何如後年餘薨於里第計聞贈少保兼太子太保諡文康遣官臨祭營葬官其子一人嗚呼自古易姓之際蓋難言之公以文臣當封疆寄倉卒受事不幸遭離陽九天崩地坼是時在朝諸臣相率鼠竄喙伏甚者頓首賊庭北面勸進污偽命者比肩也公明知大厦傾敗猶欲以一木相撐拄驅數百烏合之卒斬將拔邑其知勇有過人者不得已以報韓之心為哭秦之舉既而歸命

本朝首抗疏言人所不敢言嗚呼可謂盡心矣論者以公事與李勣魏徵相類愚則以謂勣與徵事唐為故主之警公事

本朝為復故主之警後世必有論公之世而推原其心者公相業可紀者尚多它日載在史官余可不具論而於遵化事尤詳者以此也公諱權字雨恭天啟乙丑成進士初令陽曲魏闈生祠遍天下陽曲獨無闈所遣誦事者至縣人為危之會闈敗得免崇禎間歷吏工兵給事中三疏劾冢宰銓政大弊貽禍封疆語激切枋臣銜之出為山西按察司副

碑傳七

使以母老乞歸後數年流賊陷歸德一賊以令箭護其居曰吾故晉人感公恩以此報男婦匿公家得脫者近千人賊退公負母渡河走曹南走城武又遷白門京口所至拾薪汲水以供朝夕能得太夫人歡常刻壬午詩一卷題曰白華客況自為之序曰白華志養也客況者何余無家也余何以無家中州羣盜如毛城破家亡棄子負母幸不罹難也嗟夫孝子仁人之用心讀者傷之尋起大名道調順廣再調遵化及巡撫之命下而明事已去矣按宋微子之後以國氏漢以來代有聞人商邱之宋至莊敏公始大會祖處士公諱雷祖鄉飲公諱陽鄉飲生福山公諱沾以孝廉令福山卒官貧不能斂邑人作墮淚碑記其事是為公考莊敏公者諱繻明隆萬間名臣官冢宰與海忠介瑞齊名處士公之兄子而公之從祖祖父公生明萬曆戊戌卒順治壬辰年五十有五配劉氏贈一品夫人與公同年生後七年卒年六十有二墓在關伯臺左劉夫人祔副室李氏趙氏郝氏趙以子貴封太孀人贈宜人子男四長焯雇寇亂不知所終李出次犖以廕歷官今遷山東按察使次焯以廕歷吏部戶部員外郎皆趙宜人出次焯舉人內閣中書舍人郝出孫男十人基太學生至庠生起候補主事餘俱諸生女若孫會及姻戚詳誌狀

可互見者不書公八歲喪福山公扶匱歸跣足號慟如成人福之父老
歎嗟以爲異學問淵博詩宗少陵摩詰文宗歐蘇所推獎多知名士商
邱諸生侯方域以古文辭名世亦公門人著有白華堂詩疏稟如干卷
鏤板行公子炳焮皆蚤世按察公以公行狀誌表來請文其墓隧之碑
某已丑受知公爲門下士又辱按察公姻媾不敢辭乃序次其實而銘
之按察公清名重朝野

天子知其廉將大用銘曰

白馬作賓宋爰肇封後以國氏縣歷漢唐弘著建武均化九江元魏曰
弁廣平遠祖開元相業上媿房杜宋有二難曰庠曰祁政事文學祥譽
長離翼翼商邑幹挺條遠莊敏發聞晦久斯顯文康繼之陽九嶠崎歷
否而泰忠孝靡虧遂秉國鈞鐘鏞鼎彝

帝曰汝權汝子皐夔公拜稽首臣驚乞歸踰艾縣車涯涘孰闕伯臺
左有封鬱鬱有原膺膺有碑揭揭有豐其貽有碩其世刻茲銘辭視古
儔匹

又太子太保國史院大學士贈少保諡文康宋公墓誌銘徐作蕭
順治九年太子太保國史院大學士宋公薨事聞於

上特贈少保宗伯議禮

碑傳七

賜祭營兆廕子有差明年冬公子孳等旣奉公葬其里關伯臺之左矣
時以諡典未下暫輟其幽宮之石後六年公得諡曰文康是年公元配
詔封夫人劉氏卒又二年而耐於公禮也孳等並以其狀來請誌曰公
諱權字平公號雨菴明末爲順天巡撫李自成破京師遣其將東略地
公自遵化倉卒走白羊峪連兵擊賊遇黃錠等執之數日

王師入關自成敗公以錠等詰將吏曰我封疆重臣誓復國讐殺賊者
卽我主也若從賊釋錠不從殺賊同我歸

清眾憤呼殺賊公乃籍所部來歸

詔以公仍巡撫順天總轄山海永平密雲昌平等處公商邱人周封微
子於宋子孫以國爲姓相傳公微子之後云曾王父雷曾王母于氏俞
氏王父賜王母田氏父沾以孝廉仕福山令嫡母張氏母丁氏自賜以
下皆以公

詔贈資政大夫國史院大學士自田以下皆以公

詔贈夫人丁氏

詔封太夫人雷之弟曰覲者生纁是曰莊敏公爲明名臣公年二十八

登天啟乙丑進士初仕陽曲令擢吏科給事中調工兵兩科左右給事中
中以建言出爲山西按察使副使終養起大名道副使調順廣道副使
再調遵化崇禎十七年三月陞都察院右僉都御史受命甫三日而京
師破旣擒賊來歸以原官受
新命請解組不許順治三年

詔進內翰林國史院大學士公爲人清慎仁厚事親孝爲吏廉而慈在
朝廷慷慨遇事敢言及與同列友和衷退處淡於利欲其爲宰也治聲
聞傍郡邑後賊陷商邱賊將晉人悉公治者猶曰此宋公家也遣人護
其居是時璫人魏忠賢竊政生祠遍海內當事檄建生祠於陽曲公獨
持之在諫垣劾冢宰用人不效貽禍封疆凡三奏直聲大著銜之者眾
而憲副之命由此出後

太宗破昌平有讀公疏于側者

太宗異之曰中原若行此豈不長有太平乎命錄之去任順廣城破已
三日吏請檄稅不聽集耆老諭之復農業民始不散走歸

朝廷上言首乞崇禎廟號謂舊主十七年間聲色不嗜而臣下不能盡
職以致盜起覆國幸

碑傳七

四

聖主職賊復警祭葬以禮普天誦慕尙

天恩隆渥敕定廟號以光萬世誰不歸懷

詔可士論題之明末銓政旣失爭爲躁進多謁百姓以圖遷轉巡撫未
幾而營巡撫長吏尤而效之公謂安民由於吏治吏治由於考績古法
昭然蓋事有一定之程則思守無則思競無久道黜陟而欲政成難矣
請定考成之令以三年通鳳等處土寇高元甯祁得珍楊爾善作亂次
第平之勸歸田者萬餘人覩時事條明分義定郵符辨等威息詭言嚴
職守肅關禁以上又疏圈地又論屯田之弊準以按兵授田請汰屯撫
監司廳官密雲等處祖軍爲累切陳其害得除民便之爲之歌德蒙
恩賜宴湯泉復

賜母丁太夫人寘遂以不次參密勿方公之未代也復平海子紅門等
賊前後并平懷柔馬山固山等賊且數萬丁亥總裁會試是時文體詭
僻公力正之奏言文體正則忠孝由此出文體不正則奸惡由此出而
進士以狀謁者不受曰爲國得人非爲私也順治五年奉

敕纂

太宗實錄丁太夫人憂請終制不許益力請

遣宮溫慰

賜茶酒元狐其居喪也再

命總裁會試辭復不許疏歸葬者再

詔始給假六月

賜太夫人祭一壇造墳併福山公張太夫人合葬歸途加太子太保葬

舉赴

闕時天下之奸宄半營為胥吏以害民倍逾往額有司不敢問藩臬藩

臬不敢問巡撫公請裁之順治八年

上親政以起廢會推巡方之事陳未幾致政歸自號歸德老農一寓於

酒時引故人往來稱詩劇飲而疾有諫者曰若知我耶吾母逝吾事畢

矣飲如故未幾而薨于宦于鄉各為之請祀于庠焉公生八歲而福山

公卒於官公從兩母二千里間關以歸時王父母尚在熒熒相依及王

父母嫡母相繼以逝公卒不負丁太夫人之教以顯烈名世聞公歸養

時手書孝經于堂省定不廢遭邑難負母踰河等至白門至京口而終

以成留侯之志大從龍之績者公之於國於家庶幾盡矣公詩文清和

粹麗善書畫喜濟人急歲饑收童乞百餘而食之後聽之去避寇城武

買田以耕去捐之學宮他行事概如此劉夫人者舉人永貽女也年十

六歸公時張太夫人已歿事丁太夫人朝夕惟謹太夫人嘗語人曰娶

婦若此足矣公之以建祠忤逆璫也魏忠賢使使來偵公欲抗疏夫人

曰人臣之義以直獲咎在所不計然不念老母三十年之苦乎萬一得

罪且無依何如以病辭歸養公慨然拂衣適忠賢敗而止賊至遵化夫

人奉太夫人遁山中飲食趨侍不少愆公入朝又以歸請夫人無子勉

公納李趙郝三夫人友愛之聲著于里公薨子榮請鬻產襄事夫人曰

產歷自先人非而父置也且

朝廷恩恤蓋以重而父之清德何必鬻之居平雖貴顯不侈珍綺諸子

幼勉之與賢士友不輕以鞭扑施臧獲曾為至戚僕婦所侮公起官其

人悚懼以請曰不記有侮者汝又何罪嗚呼夫人之明大義飭懿行澹

泊優容公其得內助矣公薨于順治九年六月十二日葬于順治十年

十二月十二日享年五十有五夫人卒于順治十六年六月二十六日

葬於順治十八年十二月初九日享年六十有二子四人焯幼以城破

亡李夫人出孳侍衛娶明兵部左侍郎葉公廷桂女焯廕中書科中書

舍人娶監察御史王公應昌女趙夫人出焯廕官監生初聘少保兼太

子太保刑部尚書劉公餘祐女未歸傷娶中書科中書舍人梁公遂女
郝夫人出皆有才名足以繼公女三人一適明太常寺卿侯公執蒲子
生員慮一適明光祿寺署丞侯公執中子生員勲季夫人出一許字子
次子官生士元郝夫人出孫男八四爲舉出陸聘戶部郎中崔公掄奇
女餘未聘四爲所出遠聘庠生劉公榛女起聘庠生葉公元渥女餘未
聘孫女六四爲舉出一許字貢生侯公忬子方至三未字二爲所出一
許字舉人徐公作肅子世際一未字予與公鄉會同譜既習公而重之
以婚姻謹次如左而爲銘曰
惟公遠世肇自殷恪神明之系思皇迭迭有明踵焉去噫而壽偉哉莊
敏駿起其業隆萬之際福山繼之不以仁人而竟厥惠善屈而伸在昔
之云報施無戾公也篤生教則有母蜚聲蚤歲中更陸沈志殲逆仇爰
依日月翼翼其衷桓桓其施迺親揆席公之訂謨苗穉靈剔書在簡策

帝錫公而先而後昭德是赫最屬歸然龍章爛然寵茲幽宅夫人祔焉
於配既宜慶惟永錫

又宋文康公權傳

顧棟高

碑傳七

六

宋權字元平世爲商邱人明吏部尚書纁從孫中天啟乙丑進士初授
陽曲令愍帝時歷吏工兵給事中三疏糾察冢宰銓政大弊貽禍封疆
枋國者惡其切直出爲山西按察副使以母老乞歸尋起大名道再調
遵化甲申撫順天視事甫三日而京師失守時李自成擁眾百萬西
略地至遵化權走白羊峪集部曲得五十騎勒兵太平斬賊將黃錠又
馳斬喜峯一賊將定其眾松柵三屯相繼下兩日問有眾三千擒僞官
十人得僞印一未幾

王師入定燕京賊走權籍所復四路二十一州縣上于朝有
旨巡撫如故疏論三事首請議崇禎廟號次請除苛賦舉遺佚皆嘉納
之是歲實

世祖章皇帝改元順治之年也權既受任後遂上疏言明季積弊所宜
芟除者明自神熹來朝政惰窳銓法弊壞監司重任率指目爲轉遷地
司闔者動以招撫爲名馴至燎原不可撲滅屯軍無一人就耕奸弁猾
胥上下其手糧不足額則扣剋軍廩以補之以故兵輒譁且潰疆事重
困權條列其狀上考績疏又上土寇疏又上屯田疏皆爬梳數十年積
習悉見施行又言土賊彘彘散大軍不宜輕出致賊望風逃遁請以

殄滅責之守臣是時畿南初定流寇餘孽猶蔓延權前後擊降解散者凡數萬在鎮逾二年三輔肅清入

朝拜內翰林國史院大學士務調和滿漢同心協力以襄國事恭纂太宗文皇帝實錄丁亥乙丑兩主會試釐文體禁閹人毋受進士謁曰得人以為國非私也時禁天下鐵器弓矢畜馬權以百姓無戰守具賊

益至無忌憚從容言於世祖卒弛其禁居相位六年致政歸自號歸德老農日延故人賈開宗

門人侯方域與子犖等校文賦詩以為常踰年薨權自筮仕為廉吏及殁家無宿儲子犖鬻產以葬

朝廷賜祭贈少保兼太子太保諡文康內祕書院大學士成公克鞏傳大名府志

成克鞏字子固號青壇明大學士基命第三子崇禎十六年進士本朝定鼎授國史院檢討順治二年典試江南三年主武會試九年以

宏文院學士副胡統虞主會試元文首題悖註克鞏力爭不得未署評既被吏議或勸以無評自解答曰業同事不可獨擠人也遂同鑄級十

年遷吏部右侍郎轉左侍郎晉尙書拜內祕書院大學士時天下初定

世祖章皇帝銳於有為以克鞏名臣子少參機務鍊達政體當任學士

召對稱神傳七旨柄用不次度越資俸在前者凡十餘人未幾領戶兵二部兼理刑部

事會計舉典都御史員缺特命克鞏以內宏文院大學士攝理克鞏感激知無不言首上修省一

疏繼參舊憲臣徇比匪人請撤回滿漢巡按之不稱職者又請增設御史定曹銓置簿之條以核功過嚴督撫考察之例以勵法廉立劇邑久

任之規以課成效嚴誣告反坐之例以杜刁風皆切中時要悉見施行十四年值講筵

上命內臣將畫工就邸舍圖像內廷裝潢屆秋試克鞏睹科場積弊進朝士與分校者語以慎重又飭子弟淡於進取後闈獄起不用其言者

皆罹於法而克鞏子弟無可捃摭者上心善之明年改保和殿大學士又明年晉少傅以盛滿求退

温旨慰留居常或中夜出片紙作國書密詢時事克鞏亦入片紙占對雖家人子弟不聞所言其縝密如此十八年

仁皇帝御極三月主會試克鞏屢持文衡前後所得士如湯斌張永祚沈荃李來泰馬世俊唐德亮張玉書米漢雯許三禮嚴我斯皆一時名士多所建豎爲世名臣而郭士望梁化鳳亦以忠節武功著是時四輔臣佐政克鞏滿大學士巴額同爲首揆諸大典禮文章準古酌今盡出其手至停寢食十月以母疾請假弗許用原銜兼內國史院大學士康熙元年改內秘書院大學士積勞致病連疏乞休奉

俞旨遂不復出論者謂克鞏相業與父基命後先輝映基命當前明黨禍未熄之時中外交訐以一身繫天下安危劬勞不遑甯處克鞏值承清大定之後百度具興因革損益酌劑均調注措咸宜而不動聲色天下帖然享和平之福二十六年間

太皇太后哀詔輿疾赴

闕歸又四年卒年八十四從祀鄉賢克鞏幼穎敏八歲辨塾師解朱絃之誤年十三受知于學使左光斗卽期以公輔器筮仕

與朝迴翔館閣參贊機宜者十年清端恪慎屢荷

恩綸廕弟及子姪先後六人旣致仕優游吟詠又三十年生平篤於天倫十歲喪母執禮如成人暮年喪繼母不以老自恕營父葬無大小必

躬必親廬墓三年晚歲於第中築臺學臺旦夕讀書其中所著倫史編

入

四庫全書子亮光另有傳孫會十餘皆有名

少保大學士王文通公永吉神道碑銘

順治十六年二月丁卯

上以故大學士王公守都察院左副都御史卒於其位爲之震悼而贈

諡祭葬褒終之典畢備且命書其勳德於墓道之碑曰以昭朕篤念舊

輔之意於永永勿忘其長子明德繕疏以謝退而屬偉業爲之辭偉業

震惡曰紀事臣職也未有承制而用草莽固陋襲

王章而私令甲禮之所不敢出也明德固以請曰

上命卽其家伐石樹表而螭首未有刻文匪惟抑沒先人將以隕越鉅

典不共是懼吾子其謂之何偉業旣辭不獲命謹按故光祿大夫左副

都御史贈少保兼太子太保吏部尚書諡文通王公諱永吉字修之一

字鐵山揚州高郵人也其先世徙自毘陵曾大父諱木大父諱煥父諱

自學皆以公貴贈少保妣皆贈夫人公生而環異長身修髯具文武材

略由進士起家再爲縣令於大田於仁和一爲推官於饒州咸著異政

從戶部郎備通州兵事有威名遂推以巡撫山東未一歲改薊門總督其時流寇已躡突河華滔天阻兵羣孽扇行所在蟻結燕齊雲朔魚爛土崩公受賑於倉卒之時投袂在敗亡之日猶能輯甯東夏擁護巖關障遏奔衝叫呼堵拏既有謀不用勢竟莫支變服間行投死無二忠著於前史事隔於興運故不得備書其初入

本朝一見授大理卿守法律持大體以刑不上大夫請郎吏之謫罰者得以贖論晉工部侍郎用疏辭報罷再起戶部侍郎上封事十條於蘆政馬草尤中肯綮又陳投充五大害謂其上干國法下失人心慷慨切

報可施行尋擢兵部尚書賑饑真定卽道上拜都察院左都御史未至召入爲秘書院大學士其在兵部也絕請謁以嚴選格飭訓令以定兵制備倭克舉其職且念土寇用反律而閩左剽劫不得與同科卽收者宜下刑曹非所司所當置獄其有無辜連染者請出之以息冤濫真定爲州縣三十有二凶災延蔓數百餘里公以

上賑卹恩甚厚不可委屬城長吏倍道兼馳所過人人慰勞老幼滿於車下興發成於手中得調度之宜有賜救之實又以其間訪官吏良猾

風俗利病爲書奏之

神傳七

九

上久知公忠勤任事故有以大用公也公居平捻擊江南漕弊京通是其根株非大釐革不足與更始會緣兵部前事從內院出奪一官視通州倉公初不以左降有所弛易受

命立馳至潞河訶輓卒以何不前對曰爲江船江船者楊村淤淺轉運之船也具得其稽索侵牟狀公笑曰吾分爲三番遞運則弊不得行矣已而果然嘗夜宿通惠河傳籌發運艘危坐難兩巨燭手漢書一冊風雪繞其鬚髯達旦不寢人望之曰高郵公眞勞臣也明年

召入爲國史院大學士管吏部尚書事

上時御南苑手脫所服冠以賜面

命之公頓首出坐堂上進其屬問曰新舊人以名第需次者幾何入曰千人矣掾吏之以年勞在冊者幾何入曰倍之矣問其循序爲注補曰員缺之汰也資歷之有不相當也卽如是有十年之人而不得官也問其設法爲疏通曰參罰之多也開復之不易也卽如是有十年之官而不得遷也公太息起曰是安用我主爵者爲乃舉職掌所當釐正者分爲二十疏杜門請假繕寫十日而始成奏旣上見者咸服其精切蓋公

天性強於吏職能斷大事處之不疑以吏部用人爲天下安危治亂之本
上以協恭同事外以厭服羣情綱紀畢張苞苴抑絕卽下至流品勾稽
年贏月縮銓除移駿甲是乙非他人視之叢薈紛糾頭目眩聵者無
不吐決如流笑譚不倦而公亦自此漸以病矣公病而

向方賜藥物趣問累

詔不得已復出出而坐兄子科場事責授太常少卿未幾卽進左副都
御史有意復嚮用之而公竟病不起嗚呼斯可謂出身爲物以死勤事
之君子已公亦奚憾矣哉其或有不量公者曰古稱得士可以後亡公
之初節不可爲不用也何以不能挽橫流救未造乎是不然山東亡命
蓋起如龍山滄溟淵諸賊天下之巨猾也公以一節挑三百騎未浹月
而收縛散遣之殆盡亦足以見其略矣京師倚邊腹建牙爲犄角舊制
額兵十萬有無尚不能支乃抽調潰亡之後不復能軍廷議遂裁一督
師一保督三巡撫二巡治六鎮帥而獨留薊督一官以任公予之以各
路零星收拾之罷卒又闕其一年之餉而以當駸駸渡河百萬方張之
流寇撩猛虎以空拳救燎原於杯水尚謂公獨力能辦之然乎否乎撤
甯前併山海以爲楮梧根本之計此何等時也謀國者狐疑相仗公爭

碑傳七

十

之數月猶不見從賊大同圍急而後遣之故公以單騎十日盡發關甯
勁旅顛沛勤王去京師二百里而已無少極若夫公之南還也柄臣不
過資其空名而未嘗假之實力然猶扼淮不可蹈海何之走單舸於颶
風鯨浪之中幾至觸石橫流妻孥破沒而後東身歸命嗟乎世之不量
公者固失之矣彼謂智者觀危知變轉敗爲功又豈所以知公也哉羈

旅登

朝非勳非舊遽受客卿之禮驟立羣僚之上苟非盡瘁竭誠何以報
恩塞責又自悼推遷興毀恥以其餘生倖富貴庶幾乘機構會殫未死
之力以救濟元元是以出入數年焦形極敝此固公之自待如此而其
用心良已苦矣才大則磨斲自多名高而牴牾亦甚公於是乎術補其
資道全其用有寬厚愛人之德而議獄不厭其深詳有變通宜民之方
而守官必主於繩墨其意在別嫌疑擿隱伏絕賓客棄親知取一切以
自立於無過然後可以保持善類調護艱難負方圓並畫之才逼膏火
自煎之勢靡事不爲繼之以死雜當寧以馭駢驥者利其銜策擇棟梁
者善其斧斤顛倒詘信妙於駕御而勞臣中壽奪我股肱宜乎
手詔爲之驚嗟而拊髀加之痛惜也偉業辱與公游每見其酒酣脫帽

顧盼風生詠調譚笑而語不及私簡易威儀而望之增悚輒驚以爲莫能測識及往問公疾公自言昔年經虎口葬魚腹瀕於死者數矣主上待我厚今犬馬氣衰便恐無緣酬答不覺涕泗橫流故今日執筆表公心事以告萬世其使王氏子孫知

朝廷所以保全先臣情載無極而後人之過此者得此碑於苔侵石泐之餘摩挲捫讀論公之心而參考於紀載必有爲之彷徨而慷慨者斯於公亦可無負也已公生卒皆以己亥葬於其鄉之躊躇山而鄒趙兩夫人以詔祔子七人孫六人餘在誌傳中公嘗剖股肉以療親居喪稱死孝而高郵大水捍災患有功皆其大節不可不紀嗚呼觀公於此二者則其爲君國以不有其身又可得而知也爲之銘曰

於赫三事徽音丕顯允文允武王臣蹇蹇迺告圻父曰子腹心乃陟上宰左右一人錫之天閑爾亦千里駕我日車掉鞅不已維玉及璠垂帶以朝耀首有飾翠帽豐貂雲臺是圖憂公見貌于思于思遇天一笑亥有二首辰在降婁害於股肱箕尾以游追命舊勞大書深刻史臣作歌爰紀衰職淮水方澤我公障之高城無恙我公相之卜茲墨食公其來思穹碑巖巖宰樹參差後千百年視此銘詩

附錄涇河開議

王永吉

黃淮外河水勢蕩蕩滔天來路甚猛逼入清口內河河身窄狹兩岸束縛迂回四百二十里直至瓜洲纔得入江出路甚長甚細前賢恐其震盪洶湧高寶地卑水聚中飽勢不能容必致決裂所以於山陽縣南去百里之內造涇河開分水一枝直趨射陽湖東北入於海此開既成固疏淮安下流之壅實減高寶上流之勢法宜修造堅厚闊大石閘一座其閘底須與下河河底俱相平庶無高昂吊口之弊此開與子嬰閘內河南河北兩條大堤較之運河更高更闊只是單行水道直通射陽湖匯合下海原與民間田地絕不相通倘或此堤少有殘缺修補不難或有不不知淮揚水利者必曰沿隄減水閘洞多矣何必爭此涇河一閘殊不知高寶之南惟有芒稻河洩水極大直捷入江高寶之北惟有子嬰涇河洩水極大轉折入海全入浸灌民田既可洩水又不傷稼故爲甚利而無害也若沿隄小閘名曰斗門所洩之水不及大閘五之一況當上河水湍急之時下河溝港俱已泛漲田地皆沈再加各閘齊放既不通江又難到海一望汪洋廬舍盡沒東風一起巨浪拍天直捲堤根一線漕隄內外洗刷所以潰決最易由此觀之欲保隄利運導水安民舍

修復涇河之外固無他也

謹案原編尚有重濬射陽湖議一首已見經世文編今不錄

光祿大夫少師兼太子太師保和殿大學士戶部尚書曲沃文清衛公

周祚神道碑

徐元文

少師大學士衛公歿之一年其令子台瑋持公事狀屬元文爲文勒諸
廟牲之石維元文成進士公實座主具悉公行事公光輔

兩朝寅亮公忠厥勳茂著其爲

天子所眷倚士大夫所慕說者凡厥有位咸所聞知備書而刻之石以
垂示後世固其宜也公少厲風節爲諸生時值黨議方熾提學僉事袁
繼咸爲巡按御史所誣公率諸生頌冤因并逮御史勘訊士論稱之中
崇禎丙子省試第一丁丑舉進士爲永平府推官歷戶部郎中見時政
日亂移疾家居

本朝定鼎以薦

召補原官改吏部考功郎中調文選丁外內艱服闋再補本職在銓曹
最久惟以獎恬抑躁留意人才爲務朝退則杜門與兄少司馬公飲酒
賦詩相樂若無官者有干以私輒不得入或銜之中以蜚語亦不辨會

碑傳七

十一

世祖皇帝灼知其廉能事得白陞太僕寺少卿數月擢刑部左侍郎調
吏部再進工部尚書太子太保以營建大工告成

上面加慰勞賜鞍馬及手圖山水一幀以示寵異奉

命賑濟畿南公精於措置使民實沾上惠全活甚多尋加少保仍兼太
子太保改吏部尚書俄拜文淵閣大學士兼刑部尚書未幾加少傅兼
太子太傅已亥充會試總裁官庚子加少師兼太子太師計公自列卿
薦懸臺閣踐冢揆才及數年終

章皇帝之世恩遇冠於百僚

今上御極再命典辛丑會試兩闈所得七百五十人多奇偉英特之士
翕然有得人之稱時冢宰員闕公以內院大學士權吏部尚書一年回
內院請假視兄少司馬公喪葬畢還朝充甲辰武會試總裁官公所居
必舉其職不自逸暇遂以積勞成疾又屢遭骨肉喪哀痛增劇已酉具
疏乞身

敕賜馳驛回籍調理仍食一品俸王子

上念公舊輔碩德端方清慎足以表率具僚慰答民望
特旨以原官召陛見之日

咨以時事所當行公感激陳退又條上數事多見采納改保和殿大學士兼戶部尚書會宿疾遽作懇辭還里

上遣侍臣偕御醫診視慰諭再三始允其請仍令馳驛歸守官食俸如故康熙十四年三月薨年六十有四訃至之日

上深加痛悼賜諡文清葬祭之禮有加焉公諱周祚字文錫號聞石平陽之曲沃人其世系子孫葬地月日別具誌中不更錄嗚呼公可謂厚

於德豐於遇者矣公自爲郎官日深識雅度卽有公輔之目早結主知參大政委任備至生平敬以事上儉以居身誠以服物不爲赫赫之名

傲傲之行凡有論列輒削其藁雖子弟不以告語臨終獻替之言忠愛

排測尤爲朝士所傳誦夫古之純臣有嘉謨入告我后退則曰維我后

之德不敢自以爲功公其庶幾近之詩曰樂只君子天子葵之言君臣

之際相信以誠克有終之難也公服官四十餘年再入相泣冢宰爲卿

貳者三晉宮保師傳者四及夫解組歸田猶享大官之厚祿以終其身

雖本朝之所以勸禮大臣者無有弗至非公之盡忠所事足以致之亦

烏能無憾哉元文嘗聞公在工部時

三殿工起勾稽出入省金錢數十萬小吏感額曰衛公不去吾屬飢欲

死矣公御下未嘗苛急人自不敢爲私與入往還交際簡劄小紙必手

自精寫食惟乾魚菜羹不常設肉所居邸宅湫隘僅蔽風雨用陶淵明

詩榜於小齋曰結廬在人境而無車馬喧休暇之日晏坐其中門生屬

吏稀見顏色在昔易名之典河津薛先生敬軒得諡文清爲允公風節

起焉

謹案原編有清理庶獄五條疏一首已見經世文編今不錄

內祕書院大學士吏部尚書諡文定孫公廷銓傳王士禛

公孫氏諱廷銓字道相別字沚亭青州益都人世居顏神鎮曾祖考延

壽祖考震考元昌三世皆有一行會祖考祖考俱

皇贈光祿大夫戶部尚書考封光祿大夫戶部尚書封公有丈夫子四

公長也公少具夙慧讀書有神解長而博極羣書中明崇禎十二年鄉

紀推官等以世亂歸鄉里順治二年薦授河間府推官分司天津未幾

內擢吏部稽勳司主事歷驗封文選三年典陝西鄉試進考功文選二

司郎中公之在吏部也清白著聞時故相國溧陽陳公爲尚書嘗云吾

吏部皆一時之選以語大器其惟選司二君乎謂公及曲沃文清衛公也擢太常寺少卿提督四譯館八年

世祖皇帝親政遣廷臣祭告五嶽四瀆帝王陵寢公奉命往祭南鎮禹陵南海道加太僕寺卿管左通政十年元旦

賜宴朝堂

世祖獨目屬公

天語詢姓名里居甚悉其年二月超拜戶部左侍郎明年請告歸省還朝改兵部尋遷吏部會廷推大司馬至再特傳

上諭曰中樞重任宜慎簡畀孫某可兵部尙書公疏辭不允乃就職在本兵僅半載軍政肅然提鎮大帥私謁不及門轉戶部尙書公之佐戶部也每謂歲會無總錄無以劑羸絀之宜至是殫慮綜理俸錢穀蓄隸諸部者各還所司條貫釐然歲會之成自此始典計二載政尙清簡務持大體其始也晨入晡出比其去也日坐堂皇數刻而已曲沃公以吏部尙書大拜廷議推公爲代

特旨加太子太保疏辭不允初曲沃公以清望入相

上難其代時論以爲非公不可至是果然公在吏部久諳習故事旣爲

尙書益爲

碑傳七

十四

朝廷惜人才慎名器疏淹滯杜僥倖恆曰

聖主在上人臣奉法守職而已安所行度外事今之吏部服膺虛公兩言足矣加少保十六年海寇入犯江南

世祖下詔親征公率九卿上疏諫其略曰古創業之君亦或躬履戎行然必其時大勢未定強敵尙存非親援袍鼓不足以作將帥三軍之氣若夫大業已成強敵已殲卽有餘孽跳梁不過偏師小隊折筆而答之未有以萬乘之尊輒爲微覺小醜而動者也且

大駕旣出若扈蹕威儀太從簡損則不足以肅觀瞻嚴警衛若張皇六師備陳羽騎則舟車之需輸輓之煩在所不免況江海之間風濤不測兼以水土未習霧露不時上之繫

皇太后倦倦顧愛之心下之懸億萬臣民京師根本之慮其與一隅未靖孰爲重輕不可不察也

世祖嘉納之會江南大捷遂輟行公掌銓六年恪守舊章吏不敢上下其手事有未便則條上更張之期于盡善如請寬有司考成請議監司久任請復學道陞補條議川湖廣西雲貴委署官陞遷之例皆切中時

弊多見施行嘗語同列曰吾輩臨事勿徒爲一司計也其通格之關于諸司者當并計之勿徒爲一時計也其利害之隱伏于天下者當并計之公之老成謀國皆此類也十八年正月

世祖升遐公位冢宰持大議定國是廷議侃侃無所鯁避輔政大臣不悅公弗顧也時二十七日

國制已滿國制已滿

梓宮移景山梓宮移景山

兩宮顯號尚未舉行公宣言于朝曰兩宮顯號尚未舉行公宣言于朝曰

新主卽位旬日矣新主卽位旬日矣

皇太后當改稱皇太后當改稱

太皇太后太皇太后

佟妃當尊稱佟妃當尊稱

皇太后兩宮徽號迄今未議何以昭示天下於是率九卿上請舉典禮皇太后兩宮徽號迄今未議何以昭示天下於是率九卿上請舉典禮

疏繼廷議疏繼廷議

大行皇帝諡號夙相顧未發公首曰大行皇帝諡號夙相顧未發公首曰

先皇龍興中土混先皇龍興中土混

世祖高皇帝夙皆和之而輔政大臣鰲拜獨不可遂定諡世祖高皇帝夙皆和之而輔政大臣鰲拜獨不可遂定諡

章皇帝公言雖未用物論歸焉頤之請急歸省章皇帝公言雖未用物論歸焉頤之請急歸省

上命曲沃公以閣臣出掌部事而虛左以待公康熙元年還朝二年五月拜內秘書院大學士與同列高陽李公及曲沃公同心夾輔三年曲沃公休沐歸未幾公亦上命曲沃公以閣臣出掌部事而虛左以待公康熙元年還朝二年五月拜內秘書院大學士與同列高陽李公及曲沃公同心夾輔三年曲沃公休沐歸未幾公亦

子告蓋居政府僅一載而公病矣公之歸也年始踰五十兩親皆善飯無恙踰年丁尚書公艱日定省太夫人側猶孺子也所居在山中卻掃謝賓客焚香埽地晏坐著書平生精琴理得意忘言在絃指之外撰顏山雜記四卷漢史億二卷歸厚錄十八卷自訂詩文集各一卷琴譜指法一卷其南征紀略二卷則奉使祭告時作也晚著春秋鳩考未成書以屬次子寶侗十三年九月以疾薨于里第公之未病也有烏自南而北千百其羣皆墮于鎮城內外未幾公薨公少嗜讀書爲文從政一本經術行己事上一本恭敬至于潔廉之操始終一致故受子告蓋居政府僅一載而公病矣公之歸也年始踰五十兩親皆善飯無恙踰年丁尚書公艱日定省太夫人側猶孺子也所居在山中卻掃謝賓客焚香埽地晏坐著書平生精琴理得意忘言在絃指之外撰顏山雜記四卷漢史億二卷歸厚錄十八卷自訂詩文集各一卷琴譜指法一卷其南征紀略二卷則奉使祭告時作也晚著春秋鳩考未成書以屬次子寶侗十三年九月以疾薨于里第公之未病也有烏自南而北千百其羣皆墮于鎮城內外未幾公薨公少嗜讀書爲文從政一本經術行己事上一本恭敬至于潔廉之操始終一致故受

世祖特達之知屢有才德兼備端慎練勤之褒自吏部郎存歷九卿入枋大政而家無餘財與曲沃公同時清望相埒無所軒輊云公歿時年止六十有二子二人寶仍官光祿寺署正寶侗有才名未仕卒孫七人世祖特達之知屢有才德兼備端慎練勤之褒自吏部郎存歷九卿入枋大政而家無餘財與曲沃公同時清望相埒無所軒輊云公歿時年止六十有二子二人寶仍官光祿寺署正寶侗有才名未仕卒孫七人

嗣端今官都察院經歷續端翰林院待詔續厚續勤嗣忠續廉續慎會

孫六人維謙維謀維詭維諫維諶維誠

論曰文定公可謂名相矣昔先正于文定公嘗論大臣有德望有才望
有清望公于德望清望可謂兼之固不欲屑屑以才著而言才相者卒
無以加焉公著史論有云所謂大臣者善功不伐善諫不名丙魏是也
嗚呼可以知公志矣

謹案原編有請興屯政疏請崇恬退明禮讓疏用人四事疏請正
人心疏四首已見經世文編今不錄

保和殿大學士諡文端杜公立德墓誌銘王熙

康熙三十年夏六月八日光祿大夫太子太師保和殿大學士兼禮部
尚書杜公薨於家有司以公遺表上聞

天子為之震悼賜祭加等為二壇飭所司治葬事諡曰文端公之子員
外郎恭俊將以某月某日葬公於某原而屬余銘諸墓余公之年家子
也少時數侍公於長安邸中見其接物溫和議論歸於忠厚巖然先進
典刑迨後侍公同朝從閣臣之後則又習見公以誠心質行發皇功業
有古大臣之風心竊慕效而不能及也雖不文其敢辭公姓杜氏世居

碑傳七

十六

鎮江府之金壇縣明初有諱敬者以昭信校尉從永樂中端難有功授
梁城所千戶世襲遂為通州之實坻人公生有異兆長而攻苦績學舉

明崇禎癸未進士恭遇
聖朝龍興以地方人才薦舉補授中書科中書舍人是為

世祖章皇帝入關之二年等考選兵科給事中累轉吏科都給事中時

天下初定

世祖軫念生民甫脫湯火思欲減租賦興文學俾兆民阜成臻於至治

而法制未立四方尚未罷兵繇役數起吏或因緣為奸公次第條舉其

事疏言自古帝王致治必由經術宜及時舉行

經筵日講擇廷臣經明行修者為講官庶幾裨益聖治又言荒地以闢
勸為憑亡丁以審編為據請自今蠲荒之數分疏款項預行頒示使小

民咸喻

上指則胥吏不能為奸又言修編之法簡易便民近因軍興芻草草豆
未有定額往往取辦臨時愚民無知賣妻鬻子徒飽奸吏之囊橐誠可
憐愍請

敕該部酌定價直使民先事為備又言禮部示諭朝期每月不過三次

請於朔望行大朝之禮使羣臣得以陛見陳所欲言若進見稀闊則上下之情不通且非臣子尊王之意其言豈切深中時事

世祖由是器公擢公太常寺少卿尋以大臣論薦超擢工部右侍郎轉兵部左侍郎奉詔賑濟大名全活者甚眾旋遷吏部左侍郎會丁父憂以前任兵部時舊案鑄秩一級服闋補太僕寺卿轉大理寺卿刑部侍郎尋加太子少保陞刑部尚書公任刑部號稱寬平吏讞獄或不當輒卻其獄即當受而著讞法必求其可生之比分別奏之

世祖章皇帝喜公用法平恕即皆從輕比如公奏於是益知公可大任矣辛丑正月

世祖上賓

今天子御極以公

先帝舊臣歷有聲績七月調公戶部尚書初公為給事中稔知錢穀出入盈縮及吏所以侵牟狀於是奏請各部寺錢糧皆歸戶部考成一切皆自嘗省吏但坐曹治文書不得為奸謀以累報

上賜公羊酒表裏五月

上諭加太子太保尋轉吏部尚書澄敘官方銓政以肅丁未六月京察

確傳七

自陳請罷溫旨慰留康熙八年特拜公內國史院大學士是時朝廷清

平百度修舉

天子以寬仁慈恕休養天下天下稱治安者久矣公稟守成憲一以忠

謹事

上

上亦知公持重有大體加委任焉是年

乾清宮告成擇日臨御欽天監奏言吉神在某方不宜從中門入公當

次對面陳

皇上遷正新宮自宜從中門入且帝星所在即為吉神欽天監妄奏非

是

上以為然是月

恩賜綵緞六匹明年五月升祔

章皇后禮成推恩羣臣賜如之十月改內三院復為內閣授公保和殿

大學士兼禮部尚書加一級辛亥纂修

玉牒告成賜表裏五襲白金百兩四月

詔修

太祖

太宗聖訓以公充總裁官壬子七月

世祖章皇帝實錄成賜鞍馬白金綵緞加太子太傅是月

賜御苑蓮藕癸丑京察復自陳求罷不許八月

命充纂修

太宗實錄總裁官甲寅十一月

命公相既

山陵於懷柔縣乙卯茶題

仁孝皇后神主旋遇冊立

皇太子恩加一級給新銜誥命

賜公貂皮朝服元狐裘各一丁巳賜團龍紗服及御筆大書者三年

七月公引年求去位公素好謙讓至是陳請益力

上知公心衷諭不允等遣充冊立

中宮副使持節行禮已未恭題

孝昭皇后神主庚申

詔赴瀛臺賜御書一軸行書唐詩一卷公以求去未得反獲榮寵益增

悚懼等過病不視事時值瀆逆蕩平

上思與天下更始議頒

恩赦詔書以公臥病未與議

命近臣持詔款問所增益壬戌正月賜羣臣昇平宴

上念公在告特撤御宴上尊就第賜公

手詔慰問尤為特恩殊數云久之公病不愈復上疏乞休詞甚哀懇

上不得已許公致仕賜公御製送行詩一章御書勒石心經一卷怡情

洛社圖章一方柏梁體詩一冊遣行人護送許所過地方馳驛入以為

榮公既致仕家居又以

太宗實錄告成賜公銀幣鞍馬加太子太師二十六年冬十二月

太皇太后崩明年正月公入哭臨

上以公老且病不任拜起

命學士張公英掖公行

天語慰勞撤賜御茗文綺以示寵眷公在內閣十四年以彝鼎重望為

海內儀表功業施被於人而不謂己出嘉謀日聞於

上而不使人知遭遇

聖時百官遵職海內又安雖以三逆之梗草薙禽獮曾不旋踵用能以忠謹受知爲鼎臣緝緯太平之業聲施無窮歷事

兩朝寵遇優渥亦未有如公之盛者古稱君明臣良千載一時厥語真不虛哉公爲人慈和謙慎恂恂寡言及當大事決大疑則持正毅然不

可奪居諫垣因事陳奏不見於封事者裨益尤多歷掌三部練習朝章遇事有措置援據掌故參酌時宜兼集眾長期於允當其任司寇最久

於亭平庶獄尤極敬慎常曰我待罪都官數年不能自必無過但見得一分盡我一分職分以仰答

聖恩於萬一耳益能真實力行不愧其所言者及在政地奉公思職誠懇出於自然一意佐

聖主施恩布澤以嘉惠海內遇物坦平不存畛域之見雖布衣下位無生平之雅者果有一長必爲稱引嘗主浙江鄉試再主禮部會試皆稱

得人遇昆弟尤相友善田宅祿蔭皆不吝推與今歷任至廬州太守君名立本者公之異母弟也家居惟課子弟讀書不與寒素爭進取皆人

情所難者公諱立德字純一號敬修享年八十有一曾祖某祖某父某皆以公貴贈如其官曾祖妣某繼某祖妣某繼某妣某皆一品夫人公

元配誥贈一品王夫人先公卒繼配王夫人子男四人長恭著庚子副榜貢生娶御史李及秀女次恭塔恩廕生皆早卒俱繼配王夫人出次

恭俊候補員外郎娶翰林院侍讀學士李公錄子女副室李出次恭琦例監生娶誥封工部員外郎王鼎呂女副室李出女二長適吏部尙書

張公士甄封夫人元配王夫人出次適戶部郎中李其凝封恭人繼配王夫人出其凝故大學士文勤公長子也銘曰

顯允文端令儀維則清篤忠誠百僚是式在昔起家經術文章彩筆五色雲錦七襄

景運肇開聖作物覩公以才徵雲龍風虎特達之知三錫九遷畫省夕拜卿月清懸秋官祥刑度支判賦晉陟統均延登揆路公忠奉職翼翼

小心順承天施以沛商霖在野在朝推公長者勳茂彌謙位高善下溫然冬曦藹若春陽光大含宏行以直方功成釋位

帝優耆老寵以天章煌煌睿藻敕下所司給傳護行都人聚觀歆羨其榮曰聖天子特頒殊數優獎耆俊匪私公故完福令名惟公則有駿望鴻猷

其傳不朽天不憖遺

皇心愍惻載錫嘉名爲營兆域梁城之原穹隆其邱公魄妥安神從天游赫奕聲光流慶孫子我爲銘詩昭示無止

又誥授光祿大夫太子太傅加太子太師禮部尚書保和殿大學士諡文端杜公墓誌銘

張玉書

太子太師保和殿大學士寶坻杜公在政府十有四年予告歸里越十年爲康熙辛未春秋八十有一以六月八日薨於里第遺表至

天子知公已逝不待有司陳奏卽降

旨褒憫諭祭加等葬如制及禮臣以易名典請又召九卿等詢公立身服官本末僉言故大學士某持己正直奉職清勤有古大臣風

上以諸臣言是予諡曰文端比詞臣撰賜碑文進又仰厘

睿裁增易至再寵卹之渥爲近代所未有公性沈默寡言笑奏對之頃應聲而出不忤爲異同方逆寇初殄國家將按行誅罰眾議未決公侃

侃陳於

御前辭氣激切

神傳七

上嘗述其語以示近臣謂能斷大事夫大臣致政日久且已身歿而天子追憶其言論風采咨嗟嘉歎不置非始終一節以忠誠上結主知何以致此初玉書待罪記注夙欽公行誼及爲學士復侍公于政府比承乏從閣臣後方欲就公考質故事以奉爲典型而公逝矣公子員外郎恭俊旣以其二月葬公梁城所之東原而以墓碑屬余銘余不能辭也謹按狀公諱立德字純一號敬修先世居鎮江之金壇縣明初諱敬者以靖難功授梁城所千戶遂爲通州寶坻縣人公舉前癸未進士順治二年

世祖章皇帝定鼎燕京訪求遺彥宋文康公巡撫順天薦補中書科中

書舍人尋考選戶科給事中明年典浙省試稱得人錢塘黃文信公與

焉累遷吏科都給事中中以開國規模宜崇尚經術而固結海內新附

之心尤在寬卹民力使人皆樂業於是疏請開講筵端政本而繼以蠲

荒稅禁加派皆有裨於治理內擢太常寺少卿以井研胡公薦超拜工部侍郎未幾調兵部畿輔水奉詔分賑大名全活者甚眾奏稱旨復調吏部會丁父憂去以在兵部時詿誤鐫秩一級補太僕寺卿轉

大理等爲刑部侍郎越兩年加太子少保晉刑部尙書公斷獄平恕凡
讞重辟屢易橐而後定卽罪既當猶必求其可生之路或引輕比上請
世祖章皇帝深知公明愼奏輒報可歲辛丑

皇上御極倚任老成以公歷著聲績調戶部尙書公以錢糧分隸部寺
條緒凌雜更得因緣爲奸定議總歸戶部考成公私稱便康熙三年典
會試是科改試策論得沈珩等百五十人冬調吏部丙午丁未之間銓
法多所更變賴公秉法不撓均平酌劑仕路無壅滯焉八年四月曲沃
衛文清公致政拜公內國史院大學士時

天子初親大政庶績允釐公一意奉公恪守

先帝成憲諸所施設務力持政體肅紀綱而要旨歸於和平惇大是年
乾清宮成擇日臨御欽天監奏吉神在某方不宜從中門入公言紫微
帝星所在諸吉神無不拱向

皇上遷正新宮應從中門入監臣所奏非是

上從公言明年改內三院爲殿閣公爲保和殿大學士兼禮部尙書十
二年復典會試得韓莖等百五十八人文體自是一變甲寅以後三逆相
繼煽亂於時廟堂之上

碑傳七

命將遣師常決計於俄頃之際或密授方略或宣諭招徠贊策草制悉
閣臣是任惟公與李文勤公馮文毅公同時居政府實協心力以參機
務而又從容整暇絕不示喜愠之色以故數年間羽書旁午而中外人
心晏然若處無事十七年春

天子方振興文教命羣臣引薦文學之士備顧問公舉名宿曹溶等八
人以應一日

上顧問臣謂在廷諸臣誰堪大用者公隨面疏數人比退或訝公不稍
引嫌公曰自筮仕至今日惟此心不欺可邀

聖鑒他非所計也十八年自陳請罷秋地震復請罷皆
溫旨慰留二十年冬忽覲疾不能視事會滇逆蕩平將降

德音加恩肆赦

上以公未與議命玉書持

詔款就示公子邸第問所損益公頓首言

皇上天地父母之心纖細具備臣愚更何臆議既還奏

詔書始下明年正月

上以武功者定讜廷臣於內殿賦柏梁體詩因公不在告特撤

御筵上尊

手詔賜公曰卿粥亮老臣久任機密端醇恪其勤慎素著茲海宇蕩平時當令序內殿賜宴羣臣念卿臥病不克同此權謙特遣中使慰問賜以醴饌卿其加餐珍攝以副朕惓惓至意至五月公疏乞致政詞益懇上不得已允公請

詔給驛遣官護行比出國門復

賜御製五言律詩一章及御書心經恰情洛社圖章以示優異二十六年冬

太皇太后升遐公以明年春奔赴哭臨與馮文毅公同陞見

上恐公不任拜起

命學士張公英扶掖而行慰勞倍至既出復頒賜綺幣公自謝政後至是凡六年矣瀕行過余邸舍追述昔年共事之誼曰惟公知我握手纒若重有所屬者今日得據所見聞執筆書公隧道之石豈公之意固在是耶夫公立朝垂四十載枋政日久國家大典禮政事多屬公釐定若總裁實錄

聖訓

玉牒持節冊立

中宮恭題

神主相視

山陵以及清理刑獄測驗歷法無一不與前後錫賚

御書卷軸並黑狐紫貂金幣鞍馬嘉魚蓮藕之屬無一不備

主臣交得恩禮有終蓋至公而稱極盛而公之所以結

主知膺殊遇者大抵清挺特立而不市矯激之名平易近人而不容依

附之迹異時士大夫嘗以黨論相齟齬矣而公皦然而不滓門生故吏

非不充斥朝列而公坦然而不私公之在位也不名一善及其釋位而

去也人皆怒然以思今公既沒而天下屈指大人長德爲一時模楷者

必以公爲首嗚呼此公所爲不可及與曾祖諱仁祖諱朝先父諱守禮

皆以公貴贈如公官妣皆一品夫人元配王氏贈一品夫人先公卒後

夫人王氏今尙存子男四人恭著副榜貢生次恭塔恩廕生皆早卒恭

俊候補員外耶次恭瑋例監生女二一適吏部尙書張公士甄一適戶

部郎中李君其凝餘詳誌中不載銘曰

天翊景運宗臣篤生嶽嶽文端允爲國楨頌然長身規言矩步穆如其容不吐不茹曰作耳目公才獨優勛乃忠順入告謀猷晉長秋官惟刑是恤片言平反五教用弼爰領度支九府就理爰陟統均八枋具舉有位式敘迺正台階尹實佐鼎說資和梅淳歷巖廊四十餘載赤心奉公白首靡改芒寒色正孤標絕倫陽煦春和復與物親騶虞不殺威鳳不搏國有老成廉頑惇薄

帝眷良弼重若著龜密語造膝決用不疑公屢引年遲久乃許

宸章昭回以榮餞祖謝傳東山裴公綠野警則景星光燭區夏惟公之壽宜躋期頤梁木忽折胡不憖遺哲人云亡

帝心震悼哀誄載頒隆文示報朝堂集議易名孔嘉

敕營堂斧東潞之涯掩靄松楸嶢嶢兆域妥宅於茲慶流無極

又太子太師保和殿大學士杜文端公墓誌銘惠周揚

康熙三十年夏六月八日光祿大夫太子太傅太子太師保和殿大學

士兼禮部尚書杜公薨於家有司以公遺表上聞

天子惻然降

溫旨議諡諡曰文端其孤恭俊將以某月某日葬公於某原因以狀來

乞銘謹按杜氏本鎮江之金壇人有諱敬者以昭信校尉從明世祖北

伐有功授梁城所千戶世襲故爲通州之寶坻人公生有異兆長而攻

苦績學舉明崇禎癸未進士不仕至我朝

世祖章皇帝順治二年始用薦者仕爲中書科中書舍人尋考選兵科

給事中累轉吏科都給事中是時天下初定

上欲減租賦興文學與天下更始而法制未立四方尙未罷兵繇役數

起吏或因緣爲奸公爲給事中次第條舉其事疏言自古帝王之治必

由經術宜及時舉行

經筵日講擇廷臣之經明行修者爲講官減繁文從簡要庶幾裨益聖

治天下知所嚮學又言荒地以墾勸爲憑亡丁以審編爲據乃審勸動

逾數月駁查又復經年輾轉濡遲吏胥乘是中飽故上有蠲賦之實而

下不受蠲賦之惠者弊由於此請自今蠲荒之數分疏款項預行頒示

使天下窮鄉小民咸喻

上指則吏胥不敢爲奸又言軍興草豆之價未有定額取辦臨時完欠

不分數目淆亂民之賣妻鬻子以赴公上之急而飽吏胥之豪者誠可

憐憫詩

敕該部職司酌定價值使民先事爲備又言禮部示諭朝期每月不過三次臣愚以爲旦日爲朔十五爲望旦日者一月之始也請於朔望行大朝之禮五日二十五存常朝之名羣臣得以陛見陳所欲言尊嚴之下尙恐有見而不言者若進見稀闊則上下不通且非臣子所以尊王之義其言愷切深中時事

上由是器公擢公太常寺少卿復以薦爲工部右侍郎轉兵部左侍郎奉

詔賑濟大名全活甚眾還報稱

旨遷吏部左侍郎會丁父憂以前任兵部時逃人案鑄秩一級服闋調太僕寺卿轉大理寺卿遷刑部侍郎以考滿加太子太保升刑部尙書公任刑部號稱寬平吏讞或不當輒卻其獄卽當受而著讞法必求其可生之比爲

上分別奏之

上亦卒從輕比如公奏於是益知公可大任矣會

上崩

今天子卽位以公

禪傳七

孟

先帝舊臣素有聲績尤敬禮之卽調公戶部尙書初公爲給事中稔知錢穀出入盈縮及吏所以侵牟狀于是奏請各部寺錢糧歸戶部考成一切皆自營省吏但坐曹行文書不得爲奸課以最報

上賜公羊酒一樽袍表裏一襲加太子太保轉吏部尙書以恩賜蟒緞

表裏康熙八年特拜公內國史院大學士是時朝廷清平百度修舉

天子以寬仁慈恕休養天下天下無事者數十年矣公以爲遭逢聖明不當有所改作一以忠謹事

上

上亦知公持重有大體傾心倚任之前後所得

上賜不可勝計是年某殿落成擇日將御欽天監奏言吉神在某方不宜從中門入公口陳

天子當陽無由旁門之理且帝星所在卽爲吉神欽天監妄奏非是

上以爲然卽賜公綵緞六匹明年升祔

章皇后推恩羣臣賜如之改內三院爲內閣授公保和殿大學士兼禮

部尙書加一級

命纂修玉牒又修

太祖
太宗聖訓

詔公總裁賜宴內廷

詔公坐殿內漢大學士入殿坐自公始又賜御苑蓮藕
世祖實錄成以公初爲總裁又賜鞍馬白金綵緞加太子太傅疏辭不

許又以地震自陳求罷又不許

仁孝皇后崩

命公相眎

山陵又

命書

神主兼以冊立

皇太子恩加一級賜公貂皮朝服團龍紗服及御書公素謙讓屢上書
求去位至是陳情益力

上益愈重公屢下優詔勞勉之

命主纂修

太宗實錄又

命往眎沙河

山陵書

孝昭皇后神主賜御書公以求去未得反獲褒寵益悚懼稱病不眎事
已而果病

上輒命學士

即公第問公以事公言以爲可然後施行時賜羣臣昇平

宴公
御宴一席酒一樽

手詔與公曰卿弼亮老臣久任機密端醇恪恭勤慎素著茲海宇蕩平
時當令序賜宴羣臣念卿臥疾不克同此歡讌朕心愴然其賜卿醴饌

卿其加餐以副朕意久之公病不愈上疏請告詞甚哀懇

上不得已許公致仕賜公御製送行詩一章許所至縣邑給驛傳公既

致仕家居又以

太宗實錄告成賜公銀幣鞍馬加太子太師二十六年冬十二月

太皇太后崩明年正月公入哭臨

上以公老且病不能拜起

命學士張公英掖公而行撤賜御茗并表裏五端

溫語慰遣之公在相位十四年未嘗有所興革而百官遵職海內又安雖以三藩之梗燿巨撲滅會不旋踵至今稱太平宰相必首曰杜公而世祖皇帝及

今天子寵禮優渥前後如一亦未有如公之盛者豈非所謂君明臣良千載一時者耶公為人恬退寡言及論是非利害毅然不可奪居諫垣因事陳奏不見於封事者裨益尤多及為宰相

天子有所問輒從容條對退而默不自言其所彈劾雖天子近幸之臣不少避其所薦雖布衣下位無生平之雅者亦為稱引嘗主浙江鄉試再主禮部會試皆稱得人其遇昆弟尤友愛

今上親政恩廕一子公移廕其弟立本即今任廬州太守者也家居惟課子弟讀書然不為科名計與寒素爭進取皆人情所難者公諱立德字純一享年八十有一曾祖諱某祖諱某父諱某皆以公貴贈如其官

曾祖妣某氏繼某氏祖妣某氏妣某氏皆封一品夫人公兩娶王氏前夫人誥贈一品先公卒後夫人今尚存子四長曰恭著庚子副榜貢生娶御史李及秀女次曰恭瑫恩廕承直郎皆早卒次恭俊廕監生候補員外郎娶翰林侍讀學士李錄子女次恭瑤例監生娶工部員

碑傳七

天

外王鼎呂女女二長適吏部尚書張士甄封夫人次適戶部郎中李其凝封恭人其凝故大學士文勤公長子也銘曰

伊耆之裔紹國於杜世有聞人以膺爵土在漢曰周在晉曰預維佑維衍先後繩武自元迄明昧其世譜子孫復始由我太師太師之生適際昌期蔚然經術

天子是毗任公諫職踐公台司公有一德始終不渝遂知政事俾掌樞機

帝曰臣哉輔朕於少公曰君哉逸臣以老公拜稽首返其田里帝命宮臣即賜於第公之來朝掖以拜舞公之言旋遽以不起煌煌密章用表公德余忝同僚作銘幽宅俾公令聞與國無極

又宮師大學士諡文端杜公敬修先生傳趙士麟

公姓杜氏諱立德字純一號敬修世居鎮江府之金壇縣明初有諱敬者以昭信校尉從承樂中靖難有功授梁城所千戶世襲遂為通州之寶坻人舉明崇禎癸未進士

世祖章皇帝定鼎之二年以人才薦補授中書科中書舍人尋考選兵科給事中累轉吏科都給事擢太常寺少卿等以大臣論薦超擢工部

右侍郎轉兵部左侍郎奉

詔賑濟大名還報稱

旨遷吏部左侍郎會丁父憂以前任兵部時舊案鐫秩一級服闋補太

僕寺卿轉大理寺卿刑部侍郎尋加太子少保陞刑部尚書辛丑正月

世祖上賓今

天子御極以公

先帝舊臣歷有聲績調公戶部尚書加太子太保尋轉吏部尚書丁未

京察

溫旨慰留康熙八年己酉特拜公內國史院大學士改內三院復為內

閣授公保和殿大學士兼禮部尚書加一級辛亥

詔修

太祖

太宗聖訓以公充總裁官壬子

世祖章皇帝實錄成賜鞍馬白金彩緞加太子太傅癸丑京察請罷

優旨慰留八月

命充纂修

太宗實錄總裁官甲寅

命公相朕

山陵於懷柔縣乙卯恭題

仁孝皇后神主旋遇冊立

皇太子恩加一級給新銜誥命遣充冊立

中宮副使持節行禮己未恭題

孝昭皇后神主壬戌公先因病乞休慰留久之不愈再請

上以公詞懇切允其致仕

御製送行詩以賜之復遣行人護送馳驛人榮之公既致仕

太宗實錄告成賜公銀幣鞍馬加太子太師二十六年冬十二月

太皇太后崩明年正月臨哭

上以公老且病不任拜起

命學士張公英掖公而行

天語慰勞撤賜御茗文綺以示寵眷康熙三十年六月八日卒於家享

年八十有一有司以公遺表上

天子為之震悼賜祭加等為二壇飭所司治葬事諡曰文端蓋異數也

碑傳七

七

公生有異兆長而攻苦績學登第後居諫垣時天下初定

世祖念民生甫脫湯火思欲減租賦興文學以俾兆民阜成而法制未立四方尚未罷兵繇役數起吏或因緣爲奸公次第舉言甚剴切深中時事有所彈劾不避貴近章聯上人憚之

世祖由是器公屢遷至大司寇吏讞獄或不當輒卻其獄卽當援而著讞法必求其可生之比分別奏之

世祖嘉公用法平恕卽皆從輕如公奏於是益知公可大任矣旗人王某逃至山東匿妻子於前妻父張某家他往無踪捕者獲其妻適里中有投井者面目不可辨其妻誣張謀死其夫王讞成抵罪上之秋曹公

奉

命清理刑獄檢王案反覆披閱見單填有鬚長三寸語王逃牌察無鬚公曰計王自張逃出與捕獲其妻纔數日耳鬚安能暴長宜矜疑眾不可無何其主旋獲王到同事愕然謂公神明是日啟此

世祖嘉之又一日奏事畢趨出

世祖顧問侍臣曰爾等識此入否卽入所謂杜佛不要錢稔知錢穀盈縮及吏所以侵牟狀於是奏請各部寺錢糧皆歸戶部考成一切皆自

碑傳七

訾省吏但坐曹治文書不得爲奸課以最報時准關鹽商虧課至四十餘萬有年巡鹽使題請緩徵意在徐沒下部議獨懼公持不可有客請以若干金壽乞公無言公曰吾俸餼足以自給安忍置

國家如許金錢而得巨資肥己耶力主三年帶徵議人憾之轉冢宰澄敘官方銓政以肅厯掌三部練習朝章遇事有措置援據掌故參酌時宜兼習眾長期于允當其任司寇最久平反庶獄尤極敬慎常曰我待罪都官數年不能自必無過但見得一分盡我一分職分以仰答

聖恩于萬一耳蓋能眞實力行不愧所言者及晉端揆朝政清平百度修舉

天子以寬仁慈恕休養天下天下久已治安公惟稟守成憲一以忠謹上亦知公持重有大體加委任焉是年

乾清宮告成擇日臨御欽天監奏言吉神在某方不宜從中門入公當

次對謂

皇上遷正新宮自宜從中門入且

至尊所在卽爲吉神欽天監妄奏非是

上以爲然吳逆之梗賊將據兩川欽天監奏土星入於井

上以問閣臣公曰井鬼屬在蜀分土入於井蓋土剋水之象兩川之平必矣逾月果捷至時渠魁俘于京

上命閣臣傳問諸王貝勒滿漢大臣及九列公議逆罪久未定公奏云此輩重負

國恩宜置重典不宜曲宥

上然之顧謂起居注書手冊且嘉公有古大臣風又逆商原領叛本四十萬懼追沒請仍貨於海上歲計可得若干萬所司奏之

上問閣臣公曰此詭言懼追耳且欲生事海邊後將靡所弗至

上是之後遇病不視事值滇逆蕩平

上思與天下更始議頒

恩赦詔書以公臥病未與議

命近臣持詔款問所增益公以

皇上天地為心纖細俱備臣愚更何臆議為對正月賜羣臣昇平宴

上念公在告特撤

御宴上尊就第賜公

手詔慰問其榮重類如此公在內閣十四年以彝鼎重望為海內儀表

功業覃被于人而不謂己出嘉謀日聞于

上而不使人知遭遇

聖時雖以三逆之梗草薶禽獮曾不旋踵緝緯太平之業聲施無窮歷

事

兩朝寵遇優渥未有如公之盛久之公病不愈復上疏乞休詞甚哀懇

上不得已允其請賜公

御製送行詩外御書勒石心經一卷怡情洛社圖章一方柏梁體詩一

冊前後所賜御書元狐貂裘團龍蟒服寶鞍上駟文綺白鏹之屬甚多

古稱君明臣良千載一時真不虛哉公為人慈和謙慎恂恂寡言及當

大事決大疑則持正侃然不可奪遇物坦平不存畛域雖布衣下士無

生平之雅者有一善必為稱引圭浙江鄉試甲辰會試皆稱得人遇昆

弟尤相友愛田宅祿廢皆先推與今官廬州太守名立本者公異母弟

也家居惟課子弟讀書然不為科名計與寒士爭進取皆人情所難者

會祖仁祖朝先父守禮皆以公貴贈如公官會祖妣趙繼張祖妣李繼

張皆一品夫人公元配王誥贈一品夫人先公卒後夫人王今尚在子

男四人長恭著庚子副榜貢生次恭琰恩廕生皆早卒次恭俊候補員

外郎次恭璿例監生餘載家乘中

論曰夫爵祿者人主之所予也弗予弗得功名者運會之所遭也勿遭勿立至若砥修仁義必求在我公廉刻自厲其為大臣事其上以不欺為本推於人甚恕且剛決明敏多識故事議論慨然及枚卜益奮勵無所迴避動靜纖悉謹而有法至考其大節偉如也古者功德之臣進受國寵退加榮名非獨私其後也所以不忘君名示國有人而詩人又播其事聲于詠歌以揚無窮今去古遠為制不同猶有幽堂之石隧道之碑得以紀德昭烈而又蒙

皇上賜之以謚加之以祭褒之以文其所以照臨杜氏恩厚寵榮遠越前古麟受業于甲辰甘載親承座右仰先生久敢不蒐實掇有以備采擇焉頌曰

君子之守志於不奪不學而剛有摧必折毅哉我公其剛不屈公在政府有謬其言光輔

兩朝毗贊太平異等

恩禮享有榮名謙尊而光廣大含宏廉而不劌欲然若冲公初奮跡以學以文梧省夕拜卿月懸清愷悌之仁西曹祥刑度支減賦家宰統均

碑傳七

公誠長者克已存誠見利如畏見義乃爭雖欲毀公其何以能公在相位終日如默問其寇逆不旋踵滅問其卿士百官以職問其庶民耕織衣食孰不事君胡能必信孰不作相誰能有竟降嶽乘箕令聞無窮福祿壽考有始有終

碑傳集卷七
貴筑黃彭年編訂

碑傳集卷八目錄

國初部院大臣上

光祿大夫工部尚書幼菴朱公之弼墓誌銘

王熙 徐乾學

光祿大夫工部尚書冀公如錫墓誌銘

王熙

折庫納傳

入旗通志

通議大夫戶部右侍郎朱公裴墓誌銘

王熙

戶部侍郎焦公毓瑞傳

王士禛

又戶部左侍郎石虹焦公神道碑陰記

唐夢賚

胡宛委先生兆龍傳

計東

都察院左副都御史董公篤行墓誌銘

呂兆琳

刑部尚書敏果魏公象樞墓誌銘

陳廷敬

又資政大夫刑部尚書諡敏果魏公神道碑

徐乾學

碑傳八目



Vertical columns of text on the left side of the page, mostly illegible due to fading and bleed-through from the reverse side.

國初部院大臣上

光祿大夫工部尚書幼菴朱公之弼墓誌銘

徐乾學

光祿大夫工部尚書幼菴朱公始以諫臣事

世祖章皇帝讜直端亮著聲於朝廷
世祖方嚮用公驟遷既列於九卿矣公遇事敢言不能為媿阿依比中
間以註誤得降秩在朝公卿輩益重公

世祖亦雅知公旋由卿寺擢中丞倚任日重公感激知遇累月之間章
數十上至其所難言雖城社狐鼠之姦苟利國家不避也洎乎

今皇帝御極眷注尤隆命貳司農簡任少宰遂由都御史洊歷三部尚
書所建明為尤多後以會推事被

旨詰責九卿皆知於公無與也而公難進易退之節始終不渝遂引罪
去位家居課兒誦經史暇或策杖逍遙郭外寄興詩酒入未見其有

愠容余通籍時公已位正卿舍弟立齋於公有通門之誼以是數從公
游比往來尤密又次兒烟山公門下今年秋公臥疾數往候公十月之

碑傳入

朔執手榻前猶相與慰答如平生歡既而曰身後事幸君留意越三日
捐賓客其孤儼屬公門人編修周金然吳苑來徵銘於余且告葬速余

追惟公之立朝大節載在國史天下所共知至讀其疏章指陳剴切雖
宋之田表正范蜀公殆無以過其為給事也所言重名器以尊

朝廷革久役以清弊蠹嚴禁派糧積弊及糧船私載事皆施行其論破
積習以圖寔效謂國家之事全在六部而今日六部之病惟在推諉大

抵疑事畏事之念多任勞任怨之意少一遇事至有才者不肯決無才
者不能決事稍重大則請會議不然則遷延日月行外察報而已不然

則卸擔於人聽督撫參奏不然則畏首畏尾聽科道指名而已苟且塞
責無容再議而已上下推諉以為固然彼此相安以苟歲月如此國家

之事安得不廢百姓安得不困而欲望致太平必無之事也因歷數六
部推諉之病皆

皇上不擇人不久任不責成無法柄以馭之之故自今宜行試詢考覈
之法視其殿最以定功罪而行賞罰法在必行無所姑息則風紀整飭

定效可觀矣其在御史臺也論振綱紀以收澄清之效嚴考核以定畫
一之制謂民之不安吏之不察由巡按之不得其人而其要惟在責成

堂官嚴考核而已蓋巡按之賢不肖卽堂官之賢不肖也自今巡按溺職請未治巡按之罪先治堂官之罪若臣等定差不公考核不當受私請屬阻撓事權諸御史亦得舉奏夫自治而後可以治人正已而後可以率眾責成有歸則紀綱自振至於巡方事宜諸御史並有見聞但令會同參酌定爲畫一之制自足以興利除害不然議論益多端緒愈亂巡按止皇皇補救細過之不暇則亦安所措其手足哉是時

世祖皇帝方嚴懲貪之典凡貪官得贓十兩以上流徙塞北著爲令公疏論曰此令一出而天下不復有清官矣何則有司畏令之嚴皆攫取民財以媚其上官上官挾

朝廷之禁以恫喝求之於下無所不至雖欲不貪勢不能也清官由此而變爲貪官小貪由此而變爲大貪矣且自

上諭宣傳之後撫按所糾者皆罷輒殘疾與夫小貪之人必無有以大貪入告者何則一經提問有司無不求減贓罪圖保身命雖有盈千累百之贓而及其結讞期以不滿十兩而止是有司之貪者未糾以前徒層累而輸於上官被糾之後又層累而輸於問官而尺籍所科百不一二蓋雖起古糞黃之徒爲今日之有司未有不犯十兩之令者而今日

碑傳八

普天之下盡是不取十兩之有司豈今日之有司皆出古循吏上哉良以有嚴令之名無行令之寔令嚴則思遁也

皇上一大廉者而獎之以勵眾廉於以惠百姓而格天心或有裨益也會天旱極言山東前撫臣耿焯河南撫臣賈漢復以墾荒蒙賞而百姓以賠熟受困歲增數十萬之賦稅大約多得之於鞭苔敲剝呼天搶地之子遺而非額內樂輸之賦稅怨苦之氣積爲沴厲又部臣救荒無術賑濟濡遲公上章糾劾適中州報灾戶部覆奏

皇上步禱精誠格天六月內甘澍已降遠近霑足奈何彰德衛輝獨請蠲恤公言於

上曰此小人之言明欺君父百里不同風千里不同雨豈輦下得雨普天率土毫無差別且堯湯之世何以有九年七年之水旱也復奏云河南撫臣以被災細數報部覆請再勘旣以撫臣爲不可信矣而又倚之以踏看藉使撫臣告災如前部臣信之不可不信將必另差人踏看不過徒增地方煩擾耳又自夏徂冬被災州縣豈盡停徵待至勘明已屬明春雖復蠲免徒飽吏橐而嗷嗷待哺者已轉爲溝中之瘠矣與尙書

王宏祚力爭再三奉

旨令宏祚陳狀宏祚雖強辨然終詞屈

今天子親政公爲大司空極言閩地兵米之苦謂延建汀邵士民苦於

買米之難賙至有願輸田入官者而漳泉之間則直派之百姓宜

救督撫窮治所司使百姓免腹削而朝廷百萬之金錢歸於有用又言

私派民夫之害謂閩民旣罄其食以供兵復驅枵腹之性命以供無窮

之役閩民何罪臣寔痛之

天子下詔切責督撫大吏大吏以下多得罪閩中積弊遂革旣爲大司

寇則請旗下軫恤家人更定私嫁之條俾免離析請復康熙七年酌省

存留錢糧以紓百姓又以懲貪過峻請自今非係官吏因事賄賂者凡

求索科歛逼抑取受及無祿人仍遵律文科斷至於鋤大猾釐積蠹諸

國家大事皆他人所不能言亦不敢言反且以爲不足言者而公獨侃

侃陳奏鋒發矢激中外屏氣嗚呼若公者豈非其忠亮之節出於性成

者歟公之以侍郎左官也人或勸公具疏自明公曰吾昨一歲四遷不

以無功辭今甫一謫卽以無過辨可乎人服公得大臣體其再左遷也

余弟立齋時爲憲長與公同罷笑謂公曰曩固聞公之義而避之今得

從公後其敢有所言公曰然哉余弟嘗言每議事與公及蔚州魏公接

齒而坐三人者所見畧同公議論尤以惜人才重國體爲急在部遇事

有不可輒獨爲一議同官或迫之不能奪其公忠愛國無事不然所傳

奏牘不過什之一二而已公諱之弼字右君幼菴其號本徽國文公裔

世爲閩延平人至四世祖鳳梧公來學京師因家焉曾祖雲菴公諱英

祖忠齋公諱國相考裕我公諱世奇忠齋公生子三子其次曰濟寰公諱

世才公之本生父也生子二人長卽公次侍讀學士肯齋公諱之佐裕

我公無子以公爲後其後以公貴贈其三世及本生父皆光祿大夫刑

部尚書曾祖妣張氏妣左氏本生母武氏皆贈一品夫人公生而端凝

穎敏絕倫順治二年登賢書明年成進士選授禮科給事中歷遷工科

部給事中己丑分校禮闈得人最盛踰一年丁外艱服闋補戶科都給

事中未幾除太常少卿歷右通政宗人府丞擢戶部右侍郎其明年以

公事貶官十五年補光祿少卿轉通政司右參議明年以左參議擢都

察院左副都御史

今上卽位爲戶部右侍郎居二年轉左甲辰充殿試讀卷官明年轉吏

部左侍郎又明年七月拜都察院左都御史十月調工部尚書又二年

為刑部尚書癸丑充殿試讀卷官疏請為本生母終喪久之丁內艱服闋補工部尚書壬戌會試總裁九月充讀卷官明年冬解職家居凡四年康熙丁卯十月以疾卒距生天啟辛酉六月享年六十有七公事親以色養居喪盡禮與弟肯齋公友愛自延師受室及諸居處服御皆為辦治自少至老每食未嘗不共又能推恩以及其九族姻黨執友待以舉火者甚眾其有窀穸之不舉者嫁娶之不備者公皆為之俟助無所吝倦當賈妾詢知其為士人女也弗御而嫁之年十六讀書塾中聞鄰有哭聲以貧甚將鬻其子公為之贖金代贖若此者在於他人雖得一節猶足以傳而於公之盛德固瑣屑不能以悉書也公嘗撰述薛文清胡文定論政之語用以自警居常好手輯先儒遺書刻之家塾其所精思熟復者尤在近思錄朱子節要上蔡語錄諸書燕寢門闥並勒箴銘蓋其淵源根柢如此故其立身持論無造次苟且得於學問者深矣娶劉氏先公卒誥贈一品夫人子三人長儼刑部陝西清吏司郎中娶袁氏繼娶吳氏次侗候補內閣中書舍人娶張氏次价官監生出為肯齋公後娶張氏女六人一適通政司經歷林國樑一適內黃教諭鄧備一適孔興濟一早卒一適興濟為繼室一適翰林院檢討田成玉孫男

碑傳人

四

三人好仁揚武昌孫女三人儼等以今年十二月奉公與劉夫人合葬於永定門外管村祖塋之北阡銘曰

在昔

世祖惇大明作公言於官審審謬謬泊乎

今皇熙洽化醇公言于朝侃侃閭閻靡事不言靡言不殫小廉大法公在朝端上殿如虎當門有蘭一辭引去退易進難進則盡忠退亦希直國之老成進退惟式諫草雖焚豐碑斯刻謂余之私國史有辭

光祿大夫工部尚書冀公如錫墓誌銘 王原

康熙二十五年秋八月光祿大夫原任工部尚書加一級冀公以疾卒於家明年長子植持公狀來謁且請銘焉嗚呼公歟歷中外垂四十年知公者眾矣植不以銘他屬而以屬余謂余言為可徵也余雖不敏其何敢辭按狀公諱如錫字公治一字鎔我先世本晉人遠祖有奉先者始遷於廣平之尹固村曾祖邦彥祖一貫父爾行俱以公貴累贈光祿大夫工部尚書曾祖妣田祖妣杜妣馬俱以公貴累贈一品夫人公生而穎異授書輒成誦十七補博士弟子員食廩篤志勤學雖寒暑不輟年二十贈公捐館舍哀毀骨立弟如鏞如錢俱幼弱公撫育教誨以

兄兼師己卯舉於鄉丙戌成進士授刑部福建司主事屬當提卒遇罪人應流徙者囊橐多爲居停所匿凍餓枕藉公力追給之全活無算轉本部山東司員外郎貴州司郎中皆明恕平允不以苛察爲能出知湖廣襄陽府兵燹後人民逃亡所在山寇嘯聚公招徠綏輯伏莽漸靖獨白雲山賊負固最陸梁公先事戒嚴一日得謀書通衢尅日攻城人心危懼公厲將士登陴以待賊不敢犯禁旅會勦需糧如干皆立辦又建議燒豹尾山毀望京城以便進師無幾賊平師旋駐襄養馬四十餘日閭井晏然公之力也居民王宣治夫婦夜被殺廉賊無跡越三日公夢中若有人語曰小北門失火問之無有復臥夢如前頃之果得報公策馬往救適有盜入臥衾者爲邏卒所獲以愬公公心動叱之曰盜衾小事殺某夫婦者汝也其人怖服鞫之果得實一郡驚以爲神尋舉卓異陞河東鹽運司運使去之日百姓攀號百餘里至山右通商惠民興利釐弊公事暇究心理學諸書案間常置近思錄朱子節要薛文清讀書錄二程遺書魯齋遺書日咀玩不去手朔望集諸生於薛文清家廟中講學河汾之間彬彬有鄒魯之風陞河南布政司參政分守汝南會州縣各報墾荒數遣御史清丈公曰所報多不實歎

碑傳八

五

朝廷累百姓此萬世害也御史韙之甫三月陞浙江按察使在任八閱月清欽案一百七十餘件內陞太常寺卿尋轉通政司通政使奉命祭告岳瀆陞工部右侍郎監造

世祖章皇帝山陵奏罷各省灰車省費甚鉅轉工部左侍郎丁內艱勺水不入口者三日服闋補兵部左侍郎管右侍郎事擢都察院左都御史振綱紀杜夤緣所建白皆切中利弊有申明內外職任之要疏嚴有司初授之法疏請禁砌款粘單疏請禁奴僕首主疏直陳鹽政害民疏皆報可陞工部尚書丙辰充殿試讀卷官遇

覃恩加一級淮揚患河決奉使往視星馳露宿具形勢條奏上齎朝衣一襲丁巳解組歸居里中益殫心於濂洛關閩之學以躬行實踐爲務平時飲食衣服惟尚樸素往來鄉城一車二僕見之者不知其爲尚書也懸車十年片楮不入公門晚年尤耽周易嘗語子侄曰吾終身學易雖於道之大原未能的確理會而天時人事吉凶消長殊覺意味無窮蓋公認理真切遇事敢任言論警闕往往出入意表顧未嘗輕爲著作立朝居鄉持己接物必衷於道而行是以出處裕然身名俱泰皆得力於易也公生於萬厯四十一年十二月初一日卒於康熙二十五年八

月十六日享年七十有四配誥封一品夫人張氏庠生揚善女子三植拔貢生娶檢討申涵盼女繼娶參領王學孟女棟庠生娶大學士魏公裔介女架庠生娶太學生李運昌女女八七適望族一幼未許聘孫方烜植出方炎方烜棟出方忻架出以康熙二十六年月日葬於某鄉之原銘曰

冀氏之先興於晉陽遷居平千枝葉蕃昌篤生司空爰萃厥祥宣猷郎署固守巖疆盤根錯節令名孔彰旋參大藩遂司憲綱踐陟卿貳回翔廟堂謹論昌言聞於萬邦鳩工庀材鉅典用襄晚賦遂初言歸故鄉潛心墳典默契羲皇生順沒甯迺得其常吉壤既安終焉允臧貞貞用勒傳世無疆

折庫納傳

入旗通志

折庫納滿洲鑲白旗人由中書累陞至內院侍讀學士順治十二年七月陞國史院學士兼禮部侍郎十三年修通鑑全書充副總裁官十五年改內三院為殿閣別建翰林院衙門以折庫納為翰林院掌院學士仍兼禮部侍郎十六年八月折庫納密陳四事一曰均田以為披甲人恆產年來用兵披甲人買馬製械奴僕逃亡生業凋零艱難日甚我

神傳八

六

國家初定中原凡官兵俱計丁授田富厚有力之家占田多者至數百晌滿洲披甲人或父子兄弟所得之田不過數晌征役甚煩授田甚少殊為可憫今正當有事之秋凡官兵應勿論人丁多少概視差等均授其田其閒散人戶亦行量給凡有增減定例或十年或十五年一加編審如此則田畝得均而甲兵日廣居則資生有策行則軍威克壯一曰增烏真超哈兵力今各省多用烏真超哈在京各固山披甲馬兵不過百人而固山額真梅勒章京喇章京牛彙章京亦在其內兵少若此征戰安所賴乎按烏真超哈定例不論新舊每壯丁五名各出馬步甲一副合而計之其堪披甲者亦不甚多臣愚以為凡直隸山西陝西河南各處邊疆之人有精壯善騎射者請勅督撫提督凡司道副參以上每年定限選拔送京編入烏真超哈牛彙披甲訓練二三年皆同舊人或令駐防或令出征事必有濟矣一曰慎選綠旗官兵今天下錢糧大半耗於綠旗雖星羅碁布徧滿海內一有寇警全然無益仍請在內禁旅此皆將帥失人故也今後凡提鎮等緊要員缺請不論滿洲蒙古烏真超哈漢人但選其夙嫻軍旅精明強幹之員補授至該地方武弁及閑散聽用各員內不乏才幹之人若該督撫提鎮所見既確一遇緊要

缺出宜卽行酌量陞補以示鼓勵簡閱士卒內有精勇者號爲前鋒兵
錢糧量加優給視其勞績擢用以開上進之路汰其老弱官兵不得充
數冒濫庶軍政修明不致虛糜糧餉而地方有事亦有攸賴矣一日亟
收人心近聞江南各州縣寇亂有望風迎降者有縛官獻城者此皆將
帥紀律不明有司撫綏無術致失人心若此夫叛逆固不可寬若詳究
其由豈有闔城官民同謀從逆之理必有奸宄之徒首爲倡亂今
天威遠震大軍已發滅寇在旦夕間設將叛逆之人概伸國法數十城
百姓盡皆誅戮不但有傷我

國家如天之仁恐後此有不幸而陷於賊者將益堅其從逆之心矣請
速密

諭大兵但誅其渠魁其迫脅株連愚民概予赦免則財賦之地不至傷
殘而

聖德垂之萬世矣疏入下所司議多見施行九月奉

命同漢學士胡兆龍王熙艾元徵教習庶吉士尋調都察院左副都御
史康熙七年同漢軍左副都御史金世德等疏論督撫處分言督撫原
有撫綏百姓之責近例處分止有貪墨欠賦并違限錯擬等罪而百姓

碑傳八

七

失所地方未治並無處分之例嗣後如有百姓困苦流離拋棄田地地

方毫無治理者應將該督撫革職從重治罪

從之九年復改任翰林院掌院學士充監修

玉牒副總裁官明年陞兵部督捕右侍郎十一年三月疏奏窩隱逃人

有定例處分至流徙處有窩隱逃入者未定處分之例今尙陽堡甯古

塔等處流徙人等如窩隱逃入不便復擬流徙應枷號三箇月責四十

板疏入如所請十六年正月卒於官

通議大夫戶部右侍郎朱公裴墓誌銘 五

康熙三十九年夏五月戶部右侍郎聞喜朱公卒於家將葬公子運午

郵公狀來京師請銘於余以公爲御史時余長西臺與公共事久且相

善也雖不文誼不得辭按狀公諱裴姓朱氏字小晉號裴公其先家大

同有名弁者仕宋以忠節著後遷於聞喜遂爲聞喜人一世祖敬敬生

鑑鑑生魁魁生世雄世雄生汝貫是爲公會祖汝貫生守易守易生繼

授俱以公貴累贈通議大夫太僕寺少卿公甫成童慷慨有大志讀書

不屑章句務爲當世有用之學年十七受知於巡撫楊公穆公名赴道
時袁公繼成爲學使者三試之刻寸香爲限公文立就補博士弟子員

皇清定鼎之西舉山西鄉試第一丙戌成進士授直隸易州知州時方有圈地之令公躬行阡陌露處草野畫疆分界踰月而定州人安之調補江西甯州以註誤未任尋補河南禹州知州禹俗悍而鷲寇亂後民益不馴公下車以嚴爲政首捕大盜張陽論寘諸法諸生余愛故宦室子原聘某氏爲汝州盜武剛所奪已而氏自歸於余生剛以劫妻訟初某氏意生素剋也及歸見生甚貧又先有配則大悔乃右武而證成之論生死公廉得力爲平反爲榜殺某氏而出余生於獄鴻溝地當滎陽汜水滎澤河陰四縣搜捕餘寇株繫男婦三百餘人公憫其無辜俱釋之擢刑部浙江司員外丁母艱服闋補前官公故精於律例讞訊覆奏不假吏胥手續案一清戊戌

世祖章皇帝召試部郎以下六十餘人公奏對稱

旨改授廣東道監察御史巡視南城已又巡視北城西城俱以風力稱踰年巡按山東墨吏多望風解綬去旣掌浙江道事巡視陝西川湖茶馬直登聞鼓掌京畿道事尋掌河南道印管理京察大計軍政三鉅典凡在臺十一年改禮科給事中有請復詹事及禁殉葬二疏而禁殉葬一疏尤持大體大畧謂屠殘民命于造化之和僭竊典禮關王制之鉅

傳傳入

入

今日泥信幽明慘忍傷生未有如此之甚者夫以主命責問奴僕或畏威而不敢不從或懷德而不忍不從二者俱不可爲訓且好生惡死人之常情捐軀輕生非盛世所宜有疏上報可丙辰陞太僕寺少卿戊午陞太常寺正卿本年陞都察院右副御史明年陞工部右侍郎監造奉先殿充殿試讀卷官轉戶部右侍郎管鼓鑄局時逆藩煽動軍興旁午公籌畫兵餉至日昃不暇食又以銅價騰貴約行權關解銅之法以充俸餉中外賴之會有稽察年力之議公引疾乞休

召見懋勤殿具以年齒對得

旨原品致仕旣歸里築別業於城北曰擷蔬園日與故人爲文酒之會布衣蔬食訢訢如也家居不謁州府獨鄉里公事必正顏力爭建橋梁修廢刹立義學恤嫠族雖千金不恡鄉人德之戊辰以

太皇太后喪入臨歸辛未地震趨避傷足不能步履凡臥家九年而卒余惟冀州之地山遠迤而土深厚其人多沈毅剛果忠信篤實有唐虞之遺風公自州牧起家實心從政及居言路指陳侃侃俱軍國大計性坦率無城府從不以睚眦中傷人蓄德養望馴致卿貳優游田園康甯壽考非偶然也公生於某年月日卒於某年月日元配孫淑人先公卒

子女孫曾婚嫁氏族詳載公狀子運午以某年月日奉公柩葬於某鄉之原銘曰

聖主肇基英賢颺舉時維朱公應運興起兩牧巖城民安盜弭入佐秋官政平訟理義戡惠文忠直是矢洊登卿貳清白靡媿篤棻忱恂天子所予進難退易懸車歸里相羊林泉潤澤桑梓香山綠野後先齊美令德考終鄉黨欣企幽宮永安既受多祉餘慶芊綿覃及孫子

戶部侍郎焦公毓瑞傳王士禛

公諱毓瑞字輯五別字石虹姓焦氏其先棗強人始祖成永樂中徙章邱之清平鄉大王父瑁贈都御史王父馨萬厯辛丑進士巡撫甯夏都察院右副都御史卒贈工部左侍郎考日芬建昌府推官贈太僕寺卿妣張贈夫人初中丞公爲大名監司公生於官舍幼不好嬉戲動中規矩讀書目十行下章邱令南皮湯君號知人一見器之曰公輔材也順治丙戌秋復行鄉試舉東省明年丁亥舉禮部己丑釋褐改國史院庶吉士辛卯授廣東道監察御史壬辰奉命巡視京通二倉爬梳夙弊奸胥案息

世祖章皇帝駐蹕通州公朝

碑傳人

九

行在

特賜貂裘蟒服故事非閣部大臣不得賜蓋異數云癸巳被命巡按宣大兼理學政雲中當姜瓖畔逆之後人心艱危公至招流宄嚴保甲課農桑學校勤考課修城浚池存問孤寡邊人誦之未及瓜而撤差之

旨下士民泣送者百里不絕丙申巡視河東鹽政舊例每包以鹽二百斤爲率踰額罪及商賈公爲酌定成規不縮商民便之在事一載苞苴不行歸裝惟襍被圖書而已尋宅父憂庚子補雲南道御史辛丑今上御極遂掌河南道事癸卯內陞公在臺首尾十三年凡所建白務存國體不谿刻近名不黨同伐異然邪正是非之介持之毅然亡所避

上以是信公孤立無黨援其受知

兩朝蓋以此需次歸侍太夫人子舍凡八年而太夫人沒癸丑起田間用新例借補廣西道御史尋陞太常寺少卿進通政使司左通政甲寅進太僕寺卿戊午進太常寺卿己未進通政使司通政使會京察一日奏事畢

上召公至
御座側親詢屬員甲乙次第公奏對稱

旨
上霽顏顧閣臣曰焦某敷奏詳明可稱老成練達自是受知益深未幾擢都察院左副都御史尋進刑部右侍郎矜慎庶獄每九卿會議朝堂公言必盡終無所依違太湖縣民因事行財法司擬以授受同科律應死公獨曰受者百二十金乃爲滿貫以授者分計三人各四十金法止杖耳律云皆計所得是其證也奏請得末減遂爲定例

皇陵栽柏人二十三人賂部胥七百金法司擬滿貫律當死公援前例力爭亦得末減山東饑高苑民十三人持囊橐向大姓索糧有司以盜論傳大辟公謂是不過饑民冀緩須臾之死囊橐豈兵杖耶左都御史蔚州魏公是公議竟從寬典先是官司寇者端毅龔公之博大端恪姚公之縝密爲朝論所推時以公爲無愧奉

特旨調兵部右侍郎知貢舉轉左侍郎淮安有商三十三人舟自廟灣趨膠州遇颶風引至朝鮮執送京師議者謂犯禁通海應下西曹其人辨言有官給照票墮水失去公議行查淮安將弁有無給照事立辨竟送法司罪難釋矣已而巡撫咨覆實給照事遂得白其所平反率此類也秋

賜宴西苑頒賚表裏羨藕其冬雲南平壬戌上元

賜宴乾清宮

上手金卮賜酒

詔賦柏梁體詩公有天河洗甲通蠻鄉之句二月奉

命告祭太昊諸陵癸亥上元復

賜宴乾清宮賜綵緞滇馬甲子戶部侍郎缺

上特諭吏部焦某操守可嘉可戶部公自司寇移佐司馬自司馬移佐司徒皆出

特簡廷臣亡與比然食少事多未幾而病作予在成均日嘗從容爲公言山居甚適公以方在中樞兵事旁午不敢輒引退旣屢被知遇程書衡石日夕況瘁益不敢言洗沐以死勤事未及遂初非公志也公外和中介人不可得而親疎廷議侃侃視首鼠持兩端者若將浼焉諸公卿或有異同卒折而從公則公至誠有以感之也使公無死旦晚且枋用然清白聞於

主上至誠信於同列其用雖未究亦可以無憾矣公居家孝友爲德於鄉黨宗族甚眾不具論論其立朝之大者

論曰漢郭躬陳寵皆世習律令爲名法家躬斷秦彭之獄寵罷鉗鑽之刑其慶延於世有以也焦公儒者法家非所好然觀廷議數大獄務依矜恕不力求其生不已雖陳郭何加焉今

國家重經術細文法公又以德望結主知方佐致太平而天不憖遺忽焉以歿惜哉

又戶部左侍郎石虹焦公神道碑陰記

唐夢賚

皇帝二十五年十一月朔四日

遣官祭戶部左侍郎石虹焦公於其廬

賜金造葬今冢宰李公鄴園志其墓少司寇高公念東撰神道碑宮詹王公阮亭爲之傳煌煌巨典三先生燕許之章詳哉其言之矣而公之孤歲貢生舜年候補七品京職舜同復造余里門匍匐請記其碑陰嗚呼卽微兩孤請余甯能無一詞於公耶凡公之世系贈爵遷除册賜及嘉猷盛德之大事碑志所及載與兩孤所爲狀已詳者不復贅茲記其遺事公家世有隱德至祖甯夏中丞公功在邊陲績在世史余自童子

碑傳八

十一

時卽聞中丞歸田盛德感疏延致無虛日一肩輿實壺醴佳釀自隨殊自飲也一日送客里門樵者搯路不少避且曰誰教公家爲善良仕宦者而令避公耶中丞公聞之反大喜賜之酒公父司李贈太僕寺卿余外舅也嘗中構園林棋枰賓從間時時爲余稱說中丞公二事蓋其遺教如此余與公同己丑殿試同選庶常

王芝殿公已在選中輔臣學士雜呼公名公面赧不應眾擁之始出余

時謂公此范景仁舉禮部唱名不肯自陳狀耶或朝回衙散節序宴遊

同儕喧呶時公穆然而已無何卽退戶無雜交迨解館授御史人或謂

御史熏灼賓客過規公意蕭然殊不自釋已按雲中及視河東榷政某

孝廉曾從行歸與余言其服御胥有節制如寒素以余所知前後按視

雲中河東者交遜謝公稍介云當其往河東也贈太僕公戒鈔書二胥

令公自擇一役眇公促令眇者具裝旣抵晉署署中一門役侍立公視

之娟娟孺子也問之果縣令自鄉塾中勒令服役者立遣之歸一日刑

一人公署已下鑰矣忘脫其三木公徘徊終夕不能寐蓋其矜慎如此

由侍御晉太僕累年不調一少卿驟陞踰公公殊安之無何

上臨軒內計羣吏公嘗獨對其屬僚抵任歷俸月日及某某才行具奏

甚悉即

上所問某官貌歲伊何某非緣某事遷來乎公一一對揚休命如

上指而

上始器公矣此後擢憲副擢少司馬司農皆

上意也當司農命下公寓書於予謂將何以報稱

上德意余覆劄謂方今司空估計倉場度支

當宁綜覈畢具況在地官公等其自爲釐剔無復重煩

上慮爲也已而再寓書有云開歲京察例自陳吾其休矣余謂公素健

無疾何遽至此其有所感乎無何諸孤來計公薨於位既聞訃始從邸

抄見同署會計公疏條奏軍國大計所爲安上全下損益之數而公逝

矣中外知與不知咸惜公未竟其用以答

神堯知人之明也按公生平孝謹雍穆不爲皎厲風概如石奮魏舒時

而施設未竟則非蘭臺石渠所預知矣贈太僕公嘗謂余曰人家教子

譙呵厲禁至不可堪亦安用此吾於子未嘗疾言遽色亦登一第蓋公

之明惠亦天性然耳方公需次內陞時侍養太母夫人歷有年所太母

偶不憚公即傍皇出宿於外起居無甯晷追言笑如平時而後卽安蓋

自榮養以至侍藥考終無間惟予知公之純孝也與人交油油無失色

然意所不可斤斤不少假易佐部事部吏不諳輒致之法邇來部堂少

管吏者管吏自公始其里居時余過從往往見所觀書皆勝國文獻會

典通紀等書公之言曰三古以上書如毋追委貌奈不適於用何吾取

其近今可用者其留意經濟如此公爲司馬寄余書曰屯田鼓鑄歷代

行之俱有成效我

朝曾一舉行反致累官病民原無治人遂歸咎於良法之不可復豈不

誣哉若損下益上補苴目前如昔人所云不加賦而財用足者又出桑

孔下矣幸今四方蕩平兵馬或散或裁需餉較前減半持籌者當合盤

打算一歲所入足敷一歲之用卽當寬卹民力以培國本愚以爲先復

夏稅秋糧之舊例俾追呼少緩小民得從事南畝則家有蓋藏入鮮流

移而額賦自無虧欠除害卽是興利不必多開利源自無不足之患矣

尤在封疆大吏以身率屬務使吏治澄清貪黷斂戢大家實心做事太

平何難立見乎況明歲上元昌期天人協應固不爽耳其言如是煌煌

乎經國訏謨收秦篋衍竊謂林舉把鉅漸緩輸將乃甫司九扈遽召裴

衣管葛抱負尚托空言此余所爲咨嗟涕洟以爲未竟其用者也念已

丑之役山左同館五人王冰壺少宰安復旦少參墓木已拱矣公騎箕尾之年姜玉璿檢討亦復相從九原黃公酒壚徒有餘在微諸孤之請余甯無一言於公耶用是撫公遺事志之碑陰綴故舊之見聞詔其孫子蘭芽玉苗振振方興而伯仲一門簪笏並盛歲時曩鼠之間拂拭麗牲之石定有感於余言若公之卒葬月日與子姓婚嫁已詳者例不更書

胡宛委先生兆龍傳計東

嗚呼東何人也敢傳公公兩爲主考官所得士及門下士所教習士今奕奕滿朝守爲卿貳侍從身在日月之際者不下數十人無不思爲文章不朽公以報公恩者何有於貧賤失志之一布衣碌碌無所短長於世者爲文傳公顧常考文體於銘誌碑版文之外有史傳有家傳史傳者傳之

國史此史官之事也家傳者凡草野之士皆得爲之亦可備史館他日之采輯此則東輩受知於公而後死者之責也微公母弟暨公子之言東當竊爲之況重以言公諱兆龍字子衮號宛委先世浙東山陰人忠簡公銓二十世孫也祖父俱宦游京師因家焉公年十五補順天府學

輿傳人

十三

生順治二年乙酉年十九舉鄉試丙戌成進士選庶吉士丁亥授翰林

弘文院編修戊子主考湖廣庚寅奉

詔使浙西因至鄉里拜先世墳墓壬辰遷弘文院侍講癸巳特擢侍講學士旋陞詹事府詹事仍兼秘書院侍講學士甲午陞掌院學士十二月陞禮部右侍郎未任明年正月奉

上諭以侍郎仍在內院辦事是年二月充會試總裁官四月充日講官充纂修

聖訓副總裁教習庶吉士丙申三月署戶部尚書事五月署吏部尚書事管京察十二月仍回內院考滿

予封蔭加禮部尚書銜丁酉八月充

經筵講官戊戌正月奉

命往長沙冊封義王五月還朝坐事牽連落所加銜秩仍以學士供職

尋改吏部右侍郎文淵閣學士己亥三月加太子少保庚子仲冬扈

駕巡幸近畿天寒且勞苦遂得疾明年辛丑

先皇帝升遐公慟哭疾益甚
今皇帝登極授資政大夫封三代蔭一子入監讀書十月

特恩任吏部左侍郎明年壬寅秋準解任養病癸卯十二月卒年三十

七蒙

恩賜葬祭有加禮祖奇峰公任衛參軍通州倅父機石公北城兵馬司副指揮俱以公貴封贈如公官祖母張母錢俱以公貴累封太夫人夫人娶劉氏封夫人少保戶部尚書劉公玉孺女子三介社官生劉夫人出其二殤以康熙甲寅年三月葬於某阡

賜瑩公立朝十七年職任禁近本朝學士同大學士並縮機密章奏如

唐宋知政事最爲親要公以忠誠結

先皇帝之知凡啟贊朝廟軍國事甚多其裨益民生之功甚鉅然其許謨甚秘世莫得而聞亦非東草莽之士所能言也言其最著於人者公乙未副相國吳江金公主會試公誓遴眞才以得人報

國閱卷目不交睫者十晝夜進士四百人多知名士一時翕然稱得人於今爲

天子大臣以文章經術顯當世爲名臣者人才最盛是公報

國之一驗也故事教習庶吉士多優游養望不事劇切公自乙未至辛丑四任館師督課勤密凡經學古文諸體無不討論精審經公指授皆

有法度署大司農僅兩月會計天下出入之數尤詳核兵餉案牘勾校

莫不立辦

天子奇公才署冢宰六閱月始舉京察舊制多散佚公參酌規條澄敘流品一時紀綱肅然開國以來未嘗有也

冊封降王自京師至長沙往返萬里冒犯霜露一日夜走三百里得當歸報會忌公者以總督張公自刺事牽連及公然

先皇帝卒調知公無他

寵眷如故蓋公之忠誠謹慎能見信於

聖主而不能不見忌於同朝其任事功侔上相然厚重不宜洩故天下

莫知其造膝之言可謂得大臣體矣東昔嘗同公弟兩孝廉學因從公受爲文之法公依據先輩善誨不倦每見公入朝必辨色起昏而退食

不數見賓客務遠權勢几榻間圖書數卷泊如也手評論六經三史及三唐詩旁及內典楞嚴經指月錄宗鏡諸書日分別立程不稍自寬假

書摹晉人論古詩本建安黃初近體本開元天寶持論斷斷然古文愛廬陵南豐人有乞者必手自結搆不假手門下容故公所著息游堂集

數卷雖少而精潔不可刪其必傳無疑也公孝事大母父母大母病公

亦病矣猶謹侍湯藥必親嘗以進友愛兩弟如子勉之爲學成名相對
謹肅若朝典兩弟侍坐公前未嘗輕見言笑

先皇帝知公特深凡爲謠詠忝刻思以撼公陷公者計萬方卒不能就
君臣一德終始無間迨

宮車晏駕公哭臨致毀遂身殉可感也公丰度秀偉瞻顧嚴重見公者
如見天人其垂歿也大書几上作數語研究性命歸宿處忽有鳴鶴二

隻不知所自來盤旋空中久之而公端坐逝矣公沒後數年公父母相
繼歿仲弟孝廉君亦歿三子復殤其二今存者獨公季弟及長君兩世

僅兩人耳然公遺書秩然園林精舍整齊清邃不改舊觀東以受學老
門人時時過從公季弟及公子憐而容之念公生平政事文章旁及言

笑談謙之事歷歷如昨公年雖不得四十然卒以功名終彼伏機構難
思擠公於不測者竟莫能厭其志也公歿十年家貧不能葬其門生故

吏以
朝廷矜悼大臣賜祭葬之禮葬之於京西之某阡

都察院左副都御史董公篤行墓誌銘 呂兆琳
都御史董公之沒已閱歲矣嗣君嘉孚予之壻也請銘其壙予太息者

久之曰士君子際喜起之運陟要津沈毅有大畧其於天下治忽之故
政事得失之關往往前籌不爽非古今所稱名臣者耶乃甘賦歸來蕭

然賈志以逝此其視躬過峻風勵維嚴迄營魄地下猶凜凜若冰霜焉
竊於董公見之矣公諱篤行天因其字順治乙酉舉人丙戌進士歷官

都察院左副都御史加一級以原品歸里余忝姻婭其生平大概得之
燕閒語語聞者甚悉以故知公者莫余若也公洛中世家祚遠不可復

放今之瓜瓞綿繇則自公之高祖諱和者始和字時春正德丁卯經魁
贈文林郎配張氏生子二汝謙汝豫謙字大益娶高氏生用威嘉靖丁

卯舉人辛未進士官鳳陽知府豫字思順號四溪嘉靖戊子舉人陝西
膚施令調神木封文林郎祀鄉賢名宦配朱氏繼司氏生四子曰續曰

挺曰朮曰來朮乃公之大父字竹亭邑庠生贈通奉大夫配孟氏繼熊
氏俱贈夫人子四維貞維新維翰應祥翰即公父號鳴喬萬厯戊午經

魁贈通奉大夫元配王氏生公與公之弟景行景贈夫人繼葉氏亦贈
夫人誓死殉夫以節烈奉旌方公母王氏棄栝捲時公甫弱冠弟景行

髮尙未燥太夫人病劇公侍湯藥目不交睫衣不解帶願以身代卒不
起哀毀骨立三年如一日鳴喬公捐館舍侍疾持喪如太夫人時其事

葉夫人無異毛裏葉夫人以節顯公以孝聞兩兼有焉嗣是天降喪亂洛城灰燼公攜家避難河朔集昆友輩仍孜孜講誦不輟值

皇朝鼎運開科公感會風雲遂聯兩榜釋褐後陟鰲坡游鶴禁擢居大諫首陳黜陟大典謂庸劣則蠹民闕冗則誤國何可使一日居民上既

而與定規制使天下之田賦有則無苦樂不均之歎其關於民瘼非淺也諸如清官方釐弊政蒿目時弊者多與宣公奏議相頡頏旬日間補

禮垣而先試其能於貢舉之役江左戊子一榜稱爲得人由是入對從容屢參機務爰從銀臺晉同卿協理兵部督捕堂事明允持平所全活

者數千家洎政多年榮冠京尹鴻猷日麗太常擅禮樂之宗瑣闥高聲通政司駁封之柄公履盈思挹將拜表以乞

聞而獎脊彌殷管職都憲雖公未以節鉞出鎮固庶司百度之所總也公則几几溫溫不自用而用人虛懷其若谷焉至申詞令而飛白簡之

霜挾奸邪而奮破柱之勇抑又斷斷如也及四牡騤騤爲天子代祭南海贈爵益級古所稱同律加地者非耶至歸里後惟日與

戚友續耆英香山之社於世俗榮利泊如也而心切時事家不忘國以洛陽地未析畝諳諳告之長吏如河夫一役公所力請蠲免者也

碑傳八

其

公以德惠及人類如此大抵公之生平廉以持己靜以寡慾寬以御眾羣以保世故能順受介社令終有俸且克昌厥後也公生於萬厯壬子

正月十八日卒於康熙丁卯十二月二十三日壽七十有六卜於康熙己巳十一月初三日葬北邙之新阡公初配穆氏累贈夫人繼黃氏封

夫人喬氏封恭人梁氏待封男嘉孚恩蔭官監候選國子監典簿余季女配焉孫三萬山萬戶萬選萬山聘余姪長葛教諭賈恒女萬戶聘庠

生穆公諱瑤女萬選聘王戊科進士兵部車駕主事前翰林院庶吉士袁公諱拱女俱余女出例並書之銘曰

廉貞者其德也休容者其量也效蕃宣享期頤生順而沒甯體胖而心舒繁惟董公萬年之攸居

刑部尚書敏果魏公象樞墓誌銘陳廷敬

國朝以理學名儒爲時用有清節直聲謀議勞烈聞天下則刑部尙書致仕魏公自公卿大夫以至窮閭委巷有識之士莫不樂道其行事而

慨然歎慕其爲人蓋公之學用於時而天下信之久矣若夫朝廷之知公與公之受知於

朝廷

君臣遭遇之隆俾得以行其所學世之人容有不得盡知者焉今欲誌公而傳之無已亦第舉其世之所能知者而於其所不能知者則俟之百世以後之知公者而已此亦公之意也公起家

先朝爲名諫議其始彈擊封疆大吏中外憚之由刑科給事中轉工科右給事中刑科左給事中時

世廟初親萬幾公言慎起居盡啟沃責備時宰人爲公危

上曰給事中言是因災異言天變爲人事所致語多忤權貴者

詔廷臣集議左給事故事不與議公則抗疏請與議議時面折諸貴人

無所阿避由是眾皆側目矣遷吏科都給事中掌大計戒僚吏絕賕賂

日夜宿省中邸寓則令兵馬司傳檄關防於是言四事其一事

上尤嘉允謂言官糾拾例當復雖失實不當反坐得

旨比年糾拾反坐言官壞吏治塞言路其已之所糾拾與麗八法同科

編之

令勅又言言官得罪宜治以考功法不可置重典在諫垣前後疏凡三

十餘上其大要崇治本別人才修實政通民隱皆關時大政於是忌者

思有以中之而未得其牙蘖也會故相溧陽得罪遂藉是以傾公

上察其誣釋勿坐然方其時倚重言官比事未發不糾舉謂何於是則

空垣皆鑄級而黜之公坐是黜爲詹事府主簿稍遷光祿寺丞尋乞

養母太夫人以去講學讀書修身教家以化其鄉人居十年太夫人歿

喪葬悉準古禮當是時

今天子銳意堯舜三代之治政具畢張進賢退不肖思得學問經術有

名跡可用佐

國家興理平者於是相國益都馮公首薦公

上召公以病辭再

召趨朝授貴州道御史公初進見退而喜曰

聖主在上以宏太平無疆之業實惟其時矣一切小功近利姑且補苴

之論非所以告

君也乃言教化爲王道所先滿漢臣僚宜敦家教以廣盛化言督撫有

不容不盡之職分有不容不去之因循宜責成互糾並請慎重督撫之

選言科臣余司仁欺罔不法言湖南布政使劉顯貴侵公帑不當內陞

言制祿所以養廉今罰俸例太嚴密請紀過以示罰增秩以示恩言朝

儀祀事貴肅言戒淫巧以正人心言輯禮書以勵天下前後所言

上多褒納比一年陞京卿留管御史事未幾遷左僉都御史是時方急
滇事用兵公所言戰守機宜有密奏輒削其稟累遷順天府尹大理寺
卿戶部左右侍郎措兵食察帑藏公經營擘畫為多蓋公十九在言官
言官有章疏故其議論風采在人耳目間恆易有所豎立六曹卿貳以
循分盡職為賢而已其可傳于世者嘗少公則不然至是又上三疏言
事曰確估值以杜浮冒曰核關課以防侵漁曰簡藩司以清賦稅皆
命確議以聞公在戶部稍久聲績益著左都御史缺

上特簡任公公則首請申明憲綱其言曰國家根本在百姓百姓安危
在督撫督撫忍肥家悞國以屬官之奇貪為一己之奇貨耶臣願諸臣

為國家培元氣為

朝廷正紀綱為臣子勵名節列十事以上

俞旨嘉焉次言吏治漸壞公道宜彰今貪官廉官參處同例盡職溺職
保薦無分豈稱賞罰至意舉清廉知縣陸龍其劾知州曹廷俞最貪宜
斥既又舉督學道公明者二人貪墨者二人廉者或復其官或不次用
貪者悉置諸法其時為吏者肅然知警動矣為左都御史九月遷刑部

尚書上言

主上宵旰憂勤臣不敢計身家恤嫌怨奉

陛下之法與海內臣工共相遵守臣忝風紀之司職多未盡敢援漢臣
汲黯自請為郎故事得拾遺補闕辭新命而就見所領職

上鑒其無欺從之仍加刑部尚書銜一日拜三疏言撫臣溺職司官不
法等事疏甫入而地震公言地臣道臣失職則地反常臣總風憲咎實

在臣是日獨被

召對近

御座前語移時或至泣下其言祕不傳公既於言無所不盡尤留意人
才所薦引皆蒙擢用至是又列薦侍郎以下十人尋復申刑部之

命始去言路然公始終以言表著者如此其為司寇持法不撓嘗曰法

天子寬之則為施仁刑官市恩則為散法至遇

上所矜宥則又未嘗不對僚屬感頌德意宛轉以求其法之可生也康

熙甲子春以病乞歸

上溫旨慰留八月再乞歸降

旨稱其實心任事令以原官致仕馳驛回籍
恩禮有加焉蓋公之進退不違乎禮而其所建白施設彰彰如是可謂
能行其所學者矣夫公之所以能致此者本

主上知公公受知之深故也不然公抱其學修其身施於家而已矣化
其鄉人而已矣其所建白施設豈能彰彰如此之盛哉又豈能進退不
違乎禮如此哉是以記公之事而推本於

君臣遭遇之隆以見

君之得臣臣之得行其所學非偶然也戊午鄉試

特命公磨勘順天試卷與公偕命者兵部侍郎孫公光祀及余余時爲
翰林學士從公後公則相率宿禮闈如鎖廳校士竭日夜力繼晷焚膏
覃思品隲蓋是科黜者三人其臨事精審有力皆此類也大臣巡察畿

輔則

特簡命公與偕行者吏部侍郎科爾坤公兩人同心諮訪誅翦奸慝稱

使命焉奏事殿廷

命侍臣傳諭居官勤慎每當敷奏剴切詳明不負職任

賜御書唐詩一卷清慎勤恪物大字各一幅廷臣問賜貂朝衣於公則

諭以今年暫著來年別製更賜公臥疾數日朝

上見之命近侍問公飲食如何他日

賜葦膏一器人蔭二斤自餘恩意與羣臣同者不書書公之特被者如

此則

上之於公爲何如也公之歸也陛辭

上曰比行當三入朝入則賜大內珍饌

命內侍視公所食幾何再入則

賜茶三入則

賜御筆題寒松堂額古北口詩一卷以榮其行去國之日朝士大夫祖

餞國門之外道旁觀者相與感歎以爲

君臣相遇近古未有所謂進退以禮者不其然與公歸而張額于堂藏

書于閣更有書數百卷無長物顧瞻而樂之笑曰尚書門第秀才家風

貽子孫足矣公歸三年而卒康熙丁卯七月二十九日也得年七十有

一上聞悼惜

勅所司給祭葬如禮諡曰敏果蓋此皆公事之可記世之所知其所不

能知雖余亦不得記焉公諱象樞字環溪號庸齋以

賜額故晚而稱寒松老人蔚州人也其先江南鳳陽人明永樂中從軍

北渡河以武功顯世授明威將軍隨侍代王之國大同襲指揮有遷蔚

州者數傳至儒官公諱宣有德行隱居不仕王父諱九經考諱卿孝義

聞鄉國為新城主簿兩世皆以公贈資政大夫刑部尚書祖妣劉氏妣

蔣氏李氏皆贈夫人李夫人生二子公其仲也公生而聰穎英異稍長

孝弟忠信出天性壬午以春秋舉于鄉癸未上公車比入試矣聞王父

病急馳歸時流賊披猖所至以官職脫人士公奉母居山洞中賊慕公

名大索不得我

朝丙戌首設科舉進士選庶吉士歷今官公娶李氏太學生名經權女

封夫人男三人學誠王戊進士內閣試辦事中書舍人學謙學謚俱庠

生幼某嗣公兄某為後女三人一適天城參將劉君三汲子鄒平縣丞

天賜一適大同府中路通判李君濬子候補內閣中書舍人恆煥一適

陝西平涼府通判姚君永康子之稷孫一人吉祥公將葬學誠以狀來

乞銘以余公之鄉人也謂稔知公嗚呼余何以銘公公自少至老未嘗

一日輟書不讀傳入有所得未嘗不見之行事而尤邃於宋儒之書故所

得于理學者為尤深所著有儒宗錄知言錄若干卷公嘗謂余曰昔孔

子沒羣弟子各以其學傳四方自子夏教授于西河之上彬彬乎文學

之風晉有人哉薛公文清以來曹公真子而後斯道將猶未絕也子得

無意于斯乎余愧公言而莫之能學也余又烏乎銘公既不得辭則排

纂公事而繫以銘銘曰

斯文未墜誰與作者四祀孔明河東磊砢參井之墟有爛其書于代有

光豈適鄉閭惟蔚州公翼翼崇崇敬我桑梓惠我顛蒙開來繼往為天

下宗相彼洛閩誦言滿家干祿則已吐棄如遐公喟然云豈謂是耶其

辭金履其道瓦礫或飾其貌或騰其說公探密微老而彌樂公有令聞

流于海邦公有偉行勒之鐘鏞銘公宜此永藏幽宮

又資政大夫刑部尚書諡敏果魏公神道碑

刑部尚書魏敏果公之葬在某原有司以

天子命襄其事於是

諭祭有碑而大宰澤州陳公為之誌銘康熙二十八年夏五月崑山徐

乾學復刻其墓碑曰蔚州魏氏其先鳳陽人明永樂初從軍有功以明

威將軍隨代王之國大同世襲大同衛指揮使其後支子遷蔚州累代

隱居行義有諱宦者為儒官尤為鄉里所推公之祖考諱九經考諱卿為新城主簿皆贈如公官祖妣劉氏妣蔣氏李氏皆贈夫人公李出也公諱象樞字環溪又號庸齋少讀書日誦數千言嚴重無子弟之過壬午舉於鄉偕計吏入都既至聞新城病奔歸遂遭大故時寇氛方熾士大夫為所得輒被汗公艱難喪紀奉母窟山谷得免

世祖皇帝龍興遼水入關定鼎丙戌開科公中進士選庶吉士館試賦詩有云上溯羲與軒而及濂洛澤慷慨天人期區區非所畫館師重之明年改授刑科給事中尋轉工科右給事中刑科左給事中時

世祖皇帝初親政公所條奏彈劾凡二十餘上最後請

聖躬慎起居一疏詞逼輔臣大略言

聖政維新機務孔多中外相望治平非同昔日如

皇上近巡京畿輔臣當陪侍法從以盡啟沃之忠儻遠有所幸亦宜諫

止

變輿以副保傅之責人謂公獲罪且不測卒奉

俞旨又因災變陳言則謂天地之變乃人事反常所致語侵權貴尤亟

下部院科道議之左給事例不與議公固以請許之公與諸臣抗爭是

非在廷為之側目卒無以折公也已丑分校禮闈陞吏科都給事中會

大計錢廳閔冊令兵馬司晝夜巡徼一時凜凜復上四疏皆言計典其

一以為糾拾之舊制當復而言官不宜反坐疏下所司確議遂著為令

又言言官進言不寔第宜以考功法處分不可加以罪譴闕敢言之氣督撫會推宜核事寔勿徇虛名又陳四款以佐聖主勤民大政詳陳民情民食民困之大端皆報可會溧陽得罪坐言官不先事發六科之長皆斥公隨例降補詹事府主簿累陞光祿寺丞已亥得請終養家居講求理學以躬行寔踐深造自得為宗丁李夫人憂喪葬悉準古禮壬子服除益都馮公方入閣特疏薦公清能矯俗才堪辦事上即召公公以疾辭再召乃趨朝有旨以御史用八月授貴州道監察御史滿歲內陞京卿仍管御史事公方嚴為中外所憚四方餽遺無至門者公自先朝告歸十餘年起自田間入見今上出謂所知曰堯舜繼世臣敢不盡其愚忠其所言大要以為方今

俗尚奢靡人鮮廉讓寔政治之所宜先要以制度數核名寔杜欺罔定民志盡臣職

上皆以公言爲是是歲冬十二月擢都察院左僉都御史明年二月拜順天府府尹四月除大理寺卿七月陞戶部右侍郎十一月轉左侍郎一歲五遷在戶部方西南用兵有籌餉三疏其略以爲杜浮冒防侵漁清賦稅生財足食之正經也

上因命公同侍郎班公迪清查部庫八閱月而事竣上嘉悅之戊午陞都察院左都御史公曰憲府任重非僅言責勉爲皇上風勵百司使大法小廉足我願矣首疏申明憲綱十事言國家之根本在百姓百姓之安危在督撫願諸臣爲百姓留膏血爲國家培元氣臣不敢不爲

朝廷正紀綱爲臣子勵名節

待旨謂切中時弊立見施行舉廉介知縣陸龍其復其官劾貪酷知州曹廷俞置諸法中外肅然九月與侍郎孫公光祀學士陳公廷敬磨勘順天試卷因條陳科場八弊嚴立關防之法復條學政十弊舉學臣賢者勞之辨邵嘉參劣者虛元培程汝璞士論快之己未春二月內殿奏

對華
碑傳人

上命翰林張英高士奇捧御書唐詩一卷清慎勤恪物大字各一幅賜公曰

上以爾居官克稱此三言奏事剴切詳明不負職掌故有此賜他日賜紫貂披領

上諭公今年暫著明年別製爲卿換之公掌憲未滿歲有刑部尚書之命上疏言當貪風日長吏治不清大吏因循小民困苦之際仰見皇上宵旰焦勞於上臣不計身家不避嫌怨奉朝廷之法與海內臣工共相遵守內而科道外而督撫參劾之疏屢達御覽已有澄清之機臣職風紀夙夜兢兢不敢自安昔漢臣汲黯自請

爲中郎補過拾遺臣亦請辭司寇留御史臺上可其奏遂加刑部尚書留任總憲於是方上疏糾參司官劉源溺職撫臣某即日京師地大震公與副都御史施公維翰入奏曰地道臣也臣失其職地爲之不甯臣不能肅風紀以修職業請先罪臣以回天變上卽召公入內殿公伏地涕泣請屏左右語移時是時用事大臣爲之

股栗然公之語近侍皆莫得聞施公迎于後左門見公淚流頰未乾也

是日公與施宿署中語施云今生困苦已極而大臣之家日益富饒皆地方官吏諂媚上司賸削百姓督撫司道轉餽送在京大臣以天地有限物力民生易竭脂膏盡歸貪吏私橐小民愁苦之氣上干天和致召水旱日食星變地震泉涌之異又會推選擇徇私不公行間將帥復無紀律蠲免錢糧灾黎不沾寔惠刑官鬻獄豪右罔利等威蕩然貴賤倒置皆爲可憂施公曰公何不極言之公曰臣嘗言矣一日僕人告聖明燭照何待吾言吾儕負

國萬死不足塞辜明日

上以六條宣廷臣集議大略如公指於是朝士或謂出於公造膝所請公之密友與子弟究不知公所陳何語也公常言大臣之誼在以人事君邦中丞浴起於徙所公所舉也其遵

諭舉廉一疏舉侍郎以下有清望者十人

上次第皆用之庚申復補刑部尚書公持論以爲司寇執法之官書言士制百姓於刑之中又言茲用不犯於有司犯者固不可以宥而法固不可以歇也論者乃惟以縱姦爲寬大非所敢知若乃法外之矜全乃主上如天之德亦非臣下之所可市恩也公立心仁恕獨當官而行其

言之嚴正如此辛酉扈從謁

孝陵一慟幾絕賦詩志哀明年奉

命同少宰科公爾坤巡察畿輔公以

特典祇畏夙夜單騎案行墨吏豪家聞風斂戢爲除秦甚者若而人還報甚當

上意公老年馳驅登頓所至案牘填委積勞成疾一日

上見其羸瘦垂問

賜以葠膏一器人葠二斤公逾感激疾甚欲引去而口不忍言也甲子

春奏事

乾清門暈踣於地扶歸即日疏乞骸骨

上慰留乃復力疾視事子弟勸邸舍少休公曰吾耽逸一日罪人待讞

者增一日苦矣八月具疏再請

上惜其去以詞甚迫許之令馳驛還里

諭以三觀乃行始入

賜以御廚珍饌令內臣視公食多少再入

賜茶再入

賜御筆寒松堂匾額古北口詩公歸因自號寒松老人云去國之日公卿祖饒相與感歎以爲公清勁之節始終不撓固不愧斯稱而天子之知公亦可謂至矣公官至尙書門庭蕭寂度閣有書數百卷無異秀才時所增惟

綸誥宸章及諫草一囊而已歸後四年乃卒於家丁卯七月晦日也壽七十有一

天子覽遺疏爲之震悼典禮有加

親定謚曰敏果生平所著書甚多晚皆刪去存十之三合以奏議若干卷名曰寒松堂全集元配李氏封夫人側室劉氏樊氏子四人學誠康熙二十一年進士內閣辦事中書舍人學謙學謚邑諸生學訥尙幼女三人銘曰

嗚呼魏公躬行君子

本朝以來諤諤一士彼其噉噉所謂一死公之盡言亦少驚矣寔惟中孚非以掠美公忤於人人諒公只寒松晚節徜徉田里秀才家風尙書門第非余頌公公自云爾

謹案原編有請頒禮制書疏復入覲考察疏禁咨議停閣疏三首

已見經世文編今不錄

碑傳人

國初部院大臣下

光祿大夫太子太保禮部尚書王公崇簡行狀汪琬錄
 宛平王文貞公崇簡字敬哉崇禎癸未進士甲申三月方為生母焦營葬在城外遂避難奔金陵轉徙吳越間久之始歸順治三年授內翰林國史院庶吉士特免教習與修明實錄尋除祕書院檢討歷侍讀遷國子監祭酒入為宏文院侍讀學士遷詹事兼侍讀學士以疾請告十二年以刑部右侍郎戴明說薦起原官尋進吏部右侍郎轉左不數月拜禮部尚書明年加太子太保文貞學問該博務為經濟有用之術在宏文院

詔察明季殉難諸臣始末即疏言在內如東閣大學士范景文以下二十有三人在外如山西巡撫都御史蔡懋德等五人或以其身仗節死或父母兄弟婦子相隨死或家人闔門大小俱死其忠烈相同宜並賜褒揚以廣作忠之典在禮部會御史乞更定帝王廟祀典文貞因疏言歷代帝王廟創自前明迄於

碑傳九

本朝曾經增定皆祀從來開創帝王功業顯著者至於守成令主槩不及與中間如商之中宗高宗周之成王康王其行事具見詩書漢之文帝史稱其節用愛民家給人足宋之仁宗恭儉仁恕明之孝宗亦與仁宗相類憂勤惕厲終始不渝此七君者宜百世祀不當以守成見格又言宋臣潘美不當在從祀列張浚三命為將而三敗一敗於富平關陝遂陷再敗於淮西鄭瑗叛命三敗於符離中原遂不可復且劾李綱殺曲端與岳飛議不合雖為南渡名臣初無灼然可見之功亦當罷其從祀

詔議禘祭禮疏言宜奉

肇

興

景

顯四祖及

太祖南向

太宗東向

詔議大享殿合祀禮疏言

本朝所封啟運山宜附中岳壇天柱隆業二山宜附北岳壇如前明附祀例時有建議請祀周公於孔子廟者疏斥其非又有議北岳恆山不當立廟曲陽者非是文貞以先儒言考之曰按曲陽有三兩漢地里志上曲陽屬常山郡在恆山北谷下曲陽屬鉅鹿郡有鼓聚昔陽亭荀吳滅鼓其處也今之曲陽既非鼓聚又不在北谷距恆山絕遠昔趙宋時北岳不在境內以眞定在汴京之北故移置曲陽今天下一統宜從議者移祀渾源州得禮之宜

上皆從其言十八年冬以病疏請解任方文貞任國史院學士長子文靖升宏文院學士

世祖諭曰父子同官固爲盛事然令肩隨侍直可乎遂進文貞侍郎及文貞引疾文靖先已爲禮部侍郎加尙書銜父子同長禮部朝論榮之文貞林居十五年卒年七十七平生清慎不苟於財嘗貸前明中貴何某金百兩何死於盜無所歸金舍諸僧寺且設位爲文以告之同年生宋某寓赤金百兩白金千兩其家不之知宋歿促其子至與之其子大驚願以半奉公笑應之曰如是則與乾沒有異乎悉予之無聲色博奕之尙晚歲益嗜澹泊禮遇單門後進到卽延入握手歎曲著青箱堂詩

碑傳九

十卷續詩十二卷文集十卷沒祀鄉賢

特命諸王大臣皆往酌酒亦異數也

謹案王文貞高司空皆爲明進士傳司空爲明舉人故依例附諸大臣之後爲下卷

又光祿大夫太子太保禮部尙書贈太子太傅保和殿大學士諡文貞

王公合葬墓表

徐乾學

今太子太傅大學士宛平王公在

世祖皇帝時與先太子太保禮部尙書文貞公後先入翰林文貞公拜國史院學士太傅公亦遷宏文院學士文貞公之爲禮部也太傅公亦以考績加禮部尙書然勳階皆次文貞公下故不得追贈其先世及誥封父母文貞公之屢得恩典也輒馳封其本生父母至太傅公之加尙書始得以一品誥命贈梁夫人云及

今皇涖政太傅公在中樞文貞公薨後服闋膺爰立之命次年恭遇

太宗皇帝實錄告成以勞晉秩太子太傅然後

覃恩及于四世贈文貞公如其官梁太夫人亦再贈一品公既拜命嗚

咽屬某曰吾受

國異數榮及所生願吾親不得見矣卽銘幽之辭已不及備將揭石墓道載前人功德表

天子殊恩願非子文不可敢固以請某惟乙未歲以貢入京師拜公階下公一見待以國士指授爲文旨要使稍有所聞以至今日者皆公力也敢以不敏辭謹按公行狀及墓銘碑文爲記其大略如左公諱崇簡字敬哉其先家任邛自公曾祖諱龍始來京師祖諱鏗考陝西參政加右布政司使諱愛母張氏三世皆以公贈禮部尚書妣贈一品夫人愛無子以兄錦衣衛正千戶諱爵之仲子爲後卽公也錦衣公及本生嫡母張氏生母焦氏並得地封公七歲喪布政公未幾錦衣公亦歿早孤熒然嗣母張夫人督之成立情過己出公事兩夫人曲盡孝道年二十六舉鄉試負海內重名爲清流引重中崇禎十六年進士甲申三月京師破值焦夫人喪給假治葬在外挈家潛奔金陵轉徙吳越間久之江南平北還時

世祖廣求文學者宿以充館選首授公內翰林國史院庶吉士特免教習預修明實錄除秘書院檢討歷侍讀國子監祭酒宏文院侍讀學士詔察明末殉難臣公疏言內外死事者合二十有八人以上皆得贈諡

碑傳九

時論以爲允遷詹事府少詹事兼侍讀學士如故以疾請告十二年侍郎戴公明說薦公可大用

世祖違部議特起之其明年以原官兼宏文院侍讀學士遷國史院學士及太傅公旣遷宏文院

世祖臨朝歎爲盛事然以父子不可同列擢公吏部右侍郎兼學士尋轉左遂拜禮部尚書明年加太子太保公建言帝王廟祀宜及守成令辟因列商中宗以下七人以上又言宋臣潘美張浚宜罷祀

詔從其言公學問該博尤諳練歷朝典故居禮官多所建白皆折衷古今合於經義時議翕然歸重然公自以父子並列六卿彌存謙退以夙疾請告者再

優詔不許會

世祖崩復固請如前十八年冬始得

子告康熙三年病良已遂以老乞致仕春秋纔六十三自是徜徉林下者凡十有五年初公值喪亂播遷本無意當世用遭遇

世祖皇帝以文學被知遇時與道會感激思奮然其確乎不可羈縻以富貴之意時時見於言語發於吟詠後堅請至四卒行其志

本朝大臣年未及乞休於主恩方渥之際進退終始卓然大節如公比者前此所未有也公家食益讀書引掖後進爲文章凡四方人士至都者以不及見公爲恥客至攝齋升堂必下階握手酌醴延款恆至夜分乃散其論文曰爲文必本於道道不出尋常行習之間自世有學道之名此道之所以日弊也又曰學莫要於自得知之非艱行之維艱知而能行此聖賢之所以幾於得也平生嗜學不倦年七十欲依古人以每歲盡讀五經爲夏課其爲文雖卮言爛語無非仁義道德嘗爲青箱堂記云階前闢路臺方丈餘歲之夏秋日暮父子兄弟六七八人率坐臺上或莊論詩書或稱述祖父遺事旁及故舊家世之興衰以爲勸誡一偶不至徬徨四顧若有缺然者世傳陳仲弓之家門雍穆公蓋近之至今太傅公秉鈞贊化一本公之家學而推而大之以及於天下則傳所謂施於有政者豈不然歟公元配梁夫人撫治鄖陽右副都御史贈兵部右侍郎諱應澤第二女以淑慎佐公成名孝廉常口授論語孝經教其子女公年二十卽請置側室廣嗣續其卒時年三十八公哀思之終身不再娶公薨於康熙十七年十一月某日

輿碑傳九

四

上聞震悼

救給葬祭如故事諡曰文貞太傅公與其諸弟以十八年四月某日葬公於梁夫人先所窆地畏吾邨之西原後十年而乾學復表其墓道太傅公名熙公冢子丁亥進士見任太子太傅保和殿大學士兼禮部尚書加三級梁夫人出餘子燾官監生湖廣常德府桃源縣知縣卒次然官監教習見任刑部江西清吏司主事次照廕生見任雲南按察司僉事分巡驛鹽道次燕廕生見任江南鎮江府知府加二級次默歲貢生見任兵部督捕司務孫男十一人長克善廕生江西按察使司僉事分巡驛鹽道次克昌廕生戶部陝西清吏司員外郎加二級克寬監生次克任庠生克遠庠生克端監生克剛雙鶴蘭蓀穩住任曾孫男五人長均次增次基次長麟次仲鳳余及公門垂四十年期待良厚再至京師公已薨逝自愧迂疏伉直與時齟齬茲請告將行撰公墓文深媿無所成就辜負知己特書公雅尚及學問得力處以告來者庶幾百世以後聞風興起也夫

又王文貞公傳毛際可

公諱崇簡字敬哉其先隸河間之任邱曾祖龍遷居都下祖鏗父愛本

生父爵皆仕明以世德顯公生而穎異少爲諸生有聲左公光斗督學順天得公文以公輔期之公于書無所不窺尤究極六經以爲士君子欲進斯世于三代之盛必以經術爲本嘗論春秋志在尊王而以夏時冠正月豈爲下不倍之義乎孔子所書之春卽周之春正月卽周之正月又云詩之正變以聲不以體宮商角徵羽正也變宮變徵變也一時宿儒翕然宗之丁卯舉于鄉癸未登進士第明年闖寇陷京師遂盡室南奔

皇清定鼎始問道歸里會

世祖遴選文學侍從之臣首擢公庶常分校丙戌會試陞秘書院檢討歷侍讀國子監祭酒宏文院侍讀學士詹事府少詹事以疾告歸時有薦公可大用者

特旨起補原官尋陟國史院學士先是公長子今相國亦爲宏文院學士

世祖顧笑曰父子同官固爲盛事然令肩隨以待班可乎特晉公吏部侍郎不數月拜禮部尙書又明年加太子太傅而相國以考績加禮部尙書公願以盛滿爲憂因風疾屢疏乞罷皆不允已而

碑傳九

世祖升遐公日夕治

大行喪及

今上登極禮勞劇疾益甚再疏請告得允越三載遂引年致仕公歷官殫心職掌所言皆洞中窾要其在翰林日有

旨察明季殉難諸臣公疏在內大學士范景文在外巡撫蔡懋德等宜褒揚以作忠義之氣時喪亂後聞見失實公疏出遂爲定論及官宗伯奉

詔議祫祭禮言人人殊公言

肇

興

景

顯及

太祖宜南向

太宗宜東向出入證據多宋儒司馬光諸人所未發又議大享殿合祀

禮公言

本朝所封啟運山宜附中岳壇天柱隆業二山宜附北岳壇時議者謂

北岳恒山當移祀渾源州不應立廟曲陽公謂趙宋時北岳不在境內以真定在汴京之北故移置曲陽考漢書地理志所謂曲陽者有三惟上曲陽屬常山郡在恒山北谷今之曲陽距恒山絕遠議者言是又謂創業守成難易正等如商中宗高宗周成王康王漢文帝宋仁宗明孝宗皆宜祀歷代帝王廟其議論精卓不磨類若此公雖歸老于家凡朝廷有大政士大夫疑不能決者皆就公取正焉年七十七以壽終竊嘗慨漢高以馬上得天下承秦火之後禮崩樂壞而當時嫺禮制者僅一叔孫通故儀文章創不足為萬世法抑惟我

世祖睿烈宏謨混一區宇即超然遠覽前世興衰治亂之由起弊維風整肅百度制作之隆上軼往古固由

聰明天亶亦賴大臣如公等贊襄帷幄以開文明之化嗚呼盛矣今上繼承大業

特簡令子以名家碩德之裔由大司馬入典機務而相國當河海清晏聖德日新相與黼黻

皇途益取庭訓而光大之後先濟美宣力兩朝考諸史冊可方公之先世王公祐及其子旦然公以盛德享大年

躋髦期則尤不易逮遺命吾儒以理為主不得隨俗作佛事及公歿朝廷遣使唁問

賜祭葬如禮禮臣請易名文貞制曰可及入祀鄉賢

特命諸王大僚而下酌酒以奠澤宮之旁冠蓋櫛比父老聚觀歎息以為希覲六子長即保和殿大學士熙次標桃源知縣次然建昌知縣次

照工部虞衡司郎中次燕戶部山東司員外次默國子監學正孫克善刑部山西司郎中克昌陝西司員外俱相國子餘皆績學厲行振振未

艾所著有青箱諸集文在廬陵南豐間而詩格直追初盛唐人平生薦拔士知名者甚眾

毛際可曰余嘗執經于王浴青先生先生文貞公猶子也故得其行事尤詳使公得居鼎鉉調燮之位必卓然有以自見乃急流勇退若以讓

之後人而已不與焉語曰不于其身必于其子孫諒哉工部右侍郎高公辛傳墓誌銘

乙丑孟冬原任工部右侍郎韓城高公以疾卒於家越明年祠部請卹賜諭祭如例褒終之典備焉於是丁卯春其孫亦烜將大葬公乃件繫

事狀重趺京師介公門下士長洲宋公謁余而請銘惟公與先文貞實同舉南宮仕又同朝有執友之誼既又與余同官水部後先三十餘年其休光令聞所得於視記聞者蓋歷歷可指數也安敢以不文辭按狀公先世籍直隸河間府滄州青縣人故居在長蘆鎮始祖諱圭仕元爲吏部尚書一子成早卒以孫益廕爲韓城令明初遂於韓之寺莊里家焉傳七世至諱愉乙卯副榜贈通議大夫敦崇實行雅善詞賦生五子幼諱愉乙卯副榜贈通議大夫性孝友尙節槩嘗鬻產濟荒邑侯建坊旌之祀於警宗卽公之父也公中明癸未科進士值我皇清定鼎拔茅彙征授大理寺左評事加一級戊子同考順天辛卯擢科員歷吏戶兵刑科給事中乙未會試同考丙申陞順天府府丞遇恩詔加一級轉大理寺左少卿戊戌充讀卷官侍

經筵陞太僕寺卿通政使己亥給假辛丑補原職晉督捕右侍郎王寅終養服闋補工部右侍郎庚戌

覃恩封通議大夫公始生時室有異光母王太夫人見金甲神環列預卜其不凡稍長穎悟絕人讀書過目成誦弱冠登賢書癸未春闈尙居贈公憂忽改期秋試乃獲雋焉初爲廷評讞決審愼克舉其職及歷諫

傳九

垣正色敢言謬謬不避權貴凡人才賢否政治得失靡不愷切入告前後所奏輒奉

俞旨公鄉韓城土狹人稠閭閻日食仰給延綏宜洛諸郡伏莽出沒不常公疏請設兵神道嶺以衛車牛民賴以濟潼關去韓數百里例有徵粟輓輸甚苦公再疏免運邑民德之至立碑感頌公之澤及桑梓如此其於民生休戚痼瘼乃心不忍膜外視之槩可知也時同鄉寶雞黨公致政歸

世祖從容問曰卿引退秦中誰可參酌國是對曰通達政體者督捕霍達也直言敢諫者刑科高辛傳也

上領之鄉會分校矢竭公愼所得皆海內名宿長洲宋公其最著者也任京兆時秋闈前大羅諸生忽有中使傳

命送柴范二生入闈公弗許

世祖章皇帝召至乾清門詰問何故不令若入闈公仰對曰臣奉命衡文知爲朝廷取眞才恐伊等狡言罔上耳

世祖章皇帝大笑因速令二生入公又奏曰臣職司考校要當試之歸出何晏也一題試畢方錄於是直聲震一時由是益知公忠誠可大用

矣其晉陟卿貳也所至皆振飭紀綱清釐習染赫然改觀在督捕則執法平允絕株連濫及之弊在工部則勾稽瑣屑極撻茶拮据之勞復爲上所器重方駿駸柄用而公以監修

太和殿積勞受寒遂患足疾力請乞還

上温旨準暫假調理瘥復起用歸而堅臥不出者十餘年而公已老矣公狀貌魁傑望而知爲偉人天懷抗爽不設城府不立崖岸飲酒至石餘不亂性純孝居贈君憂哀毀骨立不御酒肉鹽酪者三年晚侍王太夫人色養承歡依依孺慕每值壽辰率其夫人長跪進饌執喪哀痛杖而後起葬祭盡禮必信必誠居恆樂善好施急人之急傾囊倒篋不名一錢門下士有抱商瞿之憂者解金帛爲之納妾尤篤於故舊練裙葛帔叩門嚔喘者告則必有以應其得請而歸也治一別墅題曰懶園壘石濬池藝花蒔藥臥遊偃息若將終身賓客過之者輒刻燭賭甚笑言移日歲時召同學老友置酒盡歡間賦詩爲贈有青衫君子在白髮故人親之句軍興旁午饑饉頻仍盡散其所積以濟貧乏所全活甚眾族人有不給者爲之謀囊僮代賦役理嫁娶其秀長者置諸家塾延師教之復施田以供祭祀閨門之內規重矩疊足爲合境師法閭里有是非

碑傳九

可否造請質成片言折服其偶敗於檢者面亦相戒毋使我公知之王彥方之居太原司馬温公之寓洛下不是過也跡公生平清忠亮直孝友睦淵蘊抱寬宏襟期磊落有辭金卻玉之操而不以矯異立名有伏蒲折檻之誠而不以訐直賈譽緩急仗助則兩范遜其仁心恬退止足則二疏避其高致見機明決寄託遙深營綠野午橋之墅非耽樂乎林泉吟黃花晚節之篇豈流連於詩酒敦風節以勵俗捐奉養以濟人出處咸關於重輕致澤何分於朝野人皆惜公之未竟其用而不知功著

於國行修於鄉爲名臣爲舊德公亦奚憾也哉公有令子出宰霍山方報最而訃至公歎曰此有數焉復何尤雖神氣如常而忽忽不樂乙丑十月疾革徹瑟之夕止呼朝服隨我無一言及家事嗚呼瓊瑰入夢蛟龍告災卜子夏之離索奚堪喪子楊伯起之清白固應有孫彌留牀蓐語不及私瞻戀

闕廷歿而猶視非所謂昭明有融高朗令終者歟公姓高氏諱辛傳字弗若別號效元生於前萬厯四十一年癸丑七月初三日卒於康熙二十四年乙丑十月初六日享年七十有三元配王氏封淑人繼配段氏

再配張氏俱封淑人子二長櫻霍山知縣先公卒次榛太學生考授州
同以歎喪不勝哀而卒女二人孫二人長亦烜次亦烜庠生孫女三人
曾孫一人亦烜出亦烜卜于某年月日葬公于某鄉之原余爲公年家
子奉教有素猶記公七十誕辰余撰祝嘏之詞以進輒取人惟求舊之
語爲公勸駕冀得望見顏色會幾何時竟忍淚執筆而誌公之墓其尤
可哀也已銘曰未及

岩堯太華俛彼咸京龍門屹如終以渭涇山川迴蟠靈氣斯判篤生偉
人爲
國棟幹嶽嶽高公玉質金相魁磊特達風采激昂起家廷評晉擢騎省
蹇諤立朝號稱骨鯁卑囊封事軫念民窮清卿數慰夙夜匪躬爰佐中
樞爰掌邦土奏績荒閱程工執度志存勇退解組歸來匡居坐嘯樂聖
銜杯分宅指困周急賑乏囊鮮餘金家無長物洽鄰悖族教養兼修門
內雍穆萬石恬侯道重關西化行瀟灑爭者質成望廬而返鋒車未起
箕尾遽升崆峒雲折一柱摧崩命嗣早逝琴書誰與有孫代興窳窳是
舉松楸堂芥佳城鬱着一坏千古長瘞靈光惟公與德貞珉同壽勒石
幽宮用示不朽

王部尚書傳維麟傳靈壽縣志

傳維麟原名維楨字掌雷號欽齋永清長子也少穎悟郡守范志完最
器識之中崇禎壬午科舉人順治丙戌成進士選入翰林爲庶吉士尋
授編修分修明史戊子典試江南旋晉左中允以直言忤執政出爲東
昌兵備道駐臨清從來仕者重內輕外人或暗之麟曰內外皆王臣此
正可以別利器毅然之任臨清當水路要衝凡大師經臨設法供應不
令民間輸半菽齊民感之甲午山左大饑施粥設賑安集流亡賴以活
者凡數萬人又屯田爲民累窮年芟薶卒無成功麟著屯田苦民書御
史采以入告盡除之民賴以安居二年治行爲天下最
特召爲少廷尉子子變調胄監遷太僕寺少卿陞通政使甫五日左副
都御史缺銓部未及疏名
世祖謂麟曰無以易若卽拜左副都御史明日上勸學疏纒纒數百言
意極忠懇給諫陳協見曰此十四年來第一疏也又密策邊海機務
上嘉納之戊戌遷戶部右侍郎尋加太子少保己亥有海警
詔親征簡麟以從俾總理糧餉會海寇平遂不果是年冬請假治母塋
歸里靈邑地瘠民苦賠糧乃率士民具呈請蠲荒賦得

恩旨蠲糧若干詳田賦志辛丑假滿補工部右侍郎陞左侍郎旋晉工部尚書

賜冠服裘緞有差壬寅冬十一月天雨雪冰凝丹陛鱗早朝墜階傷左臂

上遣內大臣存問者再越數日復遣醫診視

賜藥餌彼褥督工

孝陵以勞瘁成痼疾丙午疏請養病得

旨回籍調理抵家漸有起色丁未春丁外艱哀毀骨立自是病日甚夏

五月卒於家

賜祭葬所著有明書四思堂集



碑傳九

109103

201001

長風濤湧世道回恩堂集

明倫彙編 家範典 孝行 卷一百一十五 碑傳九

明倫彙編 家範典 孝行 卷一百一十五 碑傳九

明倫彙編 家範典 孝行 卷一百一十五 碑傳九

明倫彙編 家範典 孝行 卷一百一十五 碑傳九

碑傳集卷九 貴筑黃彭年編訂

